







QUAESTIONES CRITICAE

DE LOCIS QUIBUSDAM

SOPHOCLEIS.

SCRIPSIT

CAR. FRANC. GODOFR. ARNDT.



BRANDENBURGI NOVI

IN LIBRARIA CAROLI BRUENSLÖW

MDCCCLIV.



Trachin. v. 141 — 147.

Πεπνσμένη μὲν, ὡς σάφ' εἰκάσαι, πάρει
 πάθημα τοῦμόν' ὥς δ' ἐγὼ θυμοεθορῶ,
 μήτ' ἐκμάθοις παθοῦσά', νῦν δ' ἄπειρος εἰ.
 τὸ γὰρ νεῶζον ἐν τοιοῖσδε βόσκεται
 145 χῳροισιν αὐτοῦ, καὶ νιν οὐ θάλλτος θεοῦ,
 οὐδ' ὄμβρος, οὐδὲ πνευμάτων οὐδὲν κλονεῖ,
 ἀλλ' ἥδοναίς ἄμοχθον ἐξαίρει βίον.

Sententia plana per se ac perspicua mirum in modum impeditur verbis v. 145. *χῳροισιν αὐτοῦ καὶ νιν*. Nam si dubitari nequit, quin hoc loco aetas puerilis laborum sollicitudinumque adhuc expers comparetur cum seminario pomario, ubi novellae arbores ab aestuum imbrium et ventorum vi defendantur, hoc primum apertum est, necessario requiri particulam eiusmodi, qua *τοιοῖσδε* pronomen ad sequentia referatur. Ad praecedentia enim si retuleris, ita ut *ἄπειρίας* intelligantur *χῳροι*, neque illa ipsa bene dicta sunt — quae enim sint loca imperitiae, nemo facile dixerit — et ea, quae sequuntur, a verbis *τοιοῖσδε χῳροις* avulsa non poterunt non proprio sensu accipi, ita ut a sole imbre ventis defendi dicatur tenerior aetas, id quod a mente poetae alienissimum esse apparet. Atque huiusce-modi quidem particulam in terminatione vocis *χῳροισιν* latentem — *ἴνα* — sagaciter investigavit Musgravius receperuntque Hermannus et Wunderus, quo facto iam optime procedit oratio: *τὸ γὰρ νεῶζον ἐν τοιοῖσδε βόσκεται χῳροις, ἴν' — οὐ θάλλτος θεοῦ, οὐδ' ὄμβρος, οὐδὲ πνευμάτων οὐδὲν κλονεῖ*.

Deinde quae his interiecta leguntur verba *αὐτοῦ καὶ νιν* non posse sic, ut scripta sunt, a poetae manu profecta esse quum alii multi intellexerunt, tum Wunderus idoneis argumentis in Emendatt. in Trach. p. 18. demonstravit. Nam qua una ratione haec quodammodo intelligi posse Hermannus in editione sua docuit, ut juvenilis aetas dicatur in huius-

modi locis pasci, ubi sui iuris sit, neque aut aestu aut imbre aut ventis vexetur, sed iucundam agat et laboris expertem vitam, ea tribus laborat incommodis: uno, quod durior est in hac constructione verbi *ἔστιν* omissio; altero, quod pueritia sub parentum tutela vivens vix recte dicitur sui iuris esse; tertio atque maximo, quod exili ista ac ieiuna sententia inveniustissime interrumpitur suavissima, quae hoc loco fit, comparatio.

His rationibus ductus Wunderus ad emendandum locum aggressus, quum verba *θάλλος θεοῦ* intelligeret non sufficere ad significandos torrentes solis radios, vix dubitari posse iudicavit, quin adiectum a poeta eiusmodi nomen fuerit, quo non solum, qui deus intelligendus esset, clarius pateret, sed etiam nimia eius dei ac perniciosa plantis vis significaretur. Hinc ita poetam scripsisse suspicatur:

*χώροις, ἢ ἀθάνατος οὐ θάλλος θεοῦ,
οὐδ' ὄμβρος, οὐδὲ πνευμάτων οὐδὲν κλονεῖ.*

Librorum autem scripturam e glossa *ἀναντικοῦ* ortam esse existimat.

Displicet in ista emendatione audacia; neque enim credibile est verbo satis frequentato neque ulla interpretatione indigenti rariorem vocem a glossatore adscriptam fuisse, aut, si fuit, ex ea vulgatam scripturam oriri potuisse. Praeterea etiam articulum ante participium in hac constructione requiri recte monuit Schneidewinus in Notitiis litt. Gotting. a. 1842. p. 254. Sententia autem ipsa perplacet. Neque ego dubito, si eorum, quae sapienter Hermannus in adnotatione ad hunc locum monuit, ne in loco, in quo iam veteres critici haesissent, ulla mutatio fieret, quae non tam lenis esset, ut pro nulla haberi posset, bene memor Wunderus ea, qua inceperat, via longius progressus esset, quin ipsam illam, quam desiderabat, sententiam in codicum scriptura latere eamque unius literae mutatione restitui posse animadversurus fuerit.

Mutato enim in voce *νιν* priore *ν* et ceteris literis apte per voces dispositis haec prodit verborum complexio:

*τὸ γὰρ νεῖζον ἐν τοιςδε βόσκειται
χώροις, ἢ αὐτ' οὐκ αἰθίνου θάλλος θεοῦ,
οὐδ' ὄμβρος, οὐδὲ πνευμάτων οὐδὲν κλονεῖ.*

Iam recte abest ante adiectivum, qui ante participium male aberat, articulus; cf. Oed. R. v. 178. *ἀπὸν πρὸς ἑσπέρου θεοῦ*, et quae Ellendt. in Lex. Soph. T. II. p. 239. similia conguessit quam plurima. — Vo-

cabulum αἰθινός fumo et lignis epitheton dat Hesychius: αἰθινός καπνός ὁ δριμύς. αἰθίνην καυσίμην. αἰθίνα (lege αἰθίνα) ξύλα κατακάσιμα. Et Etym. Magn. αἰθίνα ξύλα εὔκανστα, καὶ καπνὸς αἰθινός ὁ δριμύς. Eandem vocem etiam ad solis ardorem significandum aptam esse quum ex ipsa verbi αἰθεῖν vi intelligimus, tum nominum αἰθός et αἰθῶν apud Euripidem et Pindarum usus confirmat. Eurip. Suppl. v. 208. αἰθόν τ' ἐξαμύνασθαι θεοῦ. Pind. Nem. 7, 108. αἰθῶνι ἄλιφ, quo eodem epitheto etiam fumum ornat Pyth. 1, 44. ῥόον καπνοῦ αἰθῶνα. — Patet autem fons erroris. Nempe semel perperam dispositis ceteris vocibus, ex eo, quod supererat literarum, θιν, veteres, sive librarii sive critici νιν fecerunt.

Trachin. v. 844 — 848.

Τὰ μὲν οὔτι προσέβαλε, τὰ δ' ἀπ' ἀλλόθρον
γνώμας μολόντ' ὀλεθροῖασι συναλλαγαῖς,
ἧ που ὀλοῦ στένει,
ἧ που ἀδινῶν χλωρὰν
τέγγει διακρύων ἔχχαν.

Versui 846. qui respondet antistrophicus ἂ τότε θοῶν νύμφαν, ex eo numerorum genere est, quod ex iambo et antispasto constare Hermannus statuit, Hermannus iambis ischiorrhogiciis adnumerat, in quibus versibus syllabam penultimam brevem longae respondere posse arbitratur. At quae eius responsionis exempla in Elementt. doct. metr. p. 235. affert duo — quum pene innumerabilia sint legitimae responsionis — eorum unum hic ipse locus est, alterum ex Electra Sophoclis petatum facili probabilique emendatione in iustam numerorum aequabilitatem restitui potest. Sunt versus 1239. et 1260.

stroph. ἀλλ' οὐ τὰν Ἀρτεμιν τὰν αἰὲν ἀδμήταν.

antistr. τίς οὖν ἂν ἄξιαν γε σοῦ πεφηνότος.

Seidlerus de Vers. dochm. p. 100. scribi iubet

in stroph. οὐ τὰν Ἀρτεμιν τὰν αἰὲν ἀδμήταν,

in antistr. τίς οὖν ἄξιαν, σοῦ γε πεφηνότος,

ut sint dimetri dochmiaci. Improbatur Hermannus l. c., credo, ob corre-

ptam syllabam priorem in vocabulo αλέν. Pro quo si αεί reposueris, non video, quid reprehendi in illa emendatione possit, nisi forte, quod audacius omisit duo vocabula ἀλλὰ et ἄν, quum idem lenius consequi posset una addita litera hoc modo:

stroph. ἀλλ' οὐ τὰν Ἀρτεμιν

τὰν αἰεὶ ἀδμήταν.

antistr. τίς οὖν ἀντάξιαν

σοῦ γε περηνότος

μεταβάλοιτ' ἄν ὧδε σιγὰν λόγων;

Vides dochmiis antecedere antispastum et iambum, quod versuum genus etiam in Oed. R. v. 660. Oed. Col. v. 121. seq. Ai. v. 890. cum dochmiis consociatum invenitur. Antistrophae locum sic interpretor: quis enim, quum tu apparueris, sic commutaverit tuis sermonibus aequiparatum silentium? id est, quis cum sermonibus tuis, tanquam aequae gratum sit, silentium commutaverit?

Itaque hoc fulcro destituta stare non poterit in nostro Trachiniarum loco librorum scriptura. De eaque re quum ceteri critici inter se consentire videantur, tum ne ipsum quidem Hermannum nunc dissentire existimo. Certe in Oed. Col. versus manifesto corruptos 1074. 1085. 1559. 1571., quum in editione I. iambicos ischiorrhogicos penultima ancipite fecisset, nuper in ed. II. ad alios numeros ita refinxit, ut exaequaret syllabas.

Iam quum ambigi possit, utrum in strophā an in antistrophā quaerendum sit vitium, in strophā quaerendum esse ex eo intelligimus, quod versus antistrophicus iisdem prorsus numeris cum eo, qui proxime sequitur, decurrit. Requiritur igitur verbum, quod spondeum efficiat, pro iambo στένει. Wunderus in Emendd. in Trach. p. 90. στένει glossam esse rarioris vocabuli contendit. Hunc secutus G. Wolfius (de Sophoclis scholiorum Laurentianorum variis lectionibus p. 58.) scholiastam adnotantem ὁδύρεται καὶ στένει fortasse θρηνηῖ legisse suspicatur, quod idem etiam Schneidewino in mentem venisse memorat. At non est verisimile aut interpretandam sibi quenquam putasse vocem prosa quoque oratione frequentatam, aut si quis putavit, eum adscripturum fuisse verbum et poetarum proprium et quod ipsum quoque interpretatione egere glossatores existimarint, ut Hesych. στένει δυσπαθεῖ, στενοχωρεῖται, στενάζει, et Schol. min. ad Electr. v. 1177. ed. Erfurdt. στένω τάδε, στενάζω τοὺτους τοὺς στεναγμούς. Ego si glossam esse στένει putarem, conicerem anti-quum esse ὁλό' αἰάζει, coll. Hesych. αἰάζω ἀναβοῶ, στενάζω. αἰάζειν θρη-

vet. Schol. min. ad Ai. v. 425. ed. Erfurdt. ἀλάζω τὸ θρηνηῶ. At longe verisimilius duco vulgatam solemni literarum αἰ et ε confusione ex hac scriptura ortam esse:

ἡ που ὁλό' ἀσταίνει,
i. e. misere cruciatur. Hesych. ἀσταίνει· δυσπαθεῖ, ἁμαρτάνει, μοχθεῖ. Etym. M. ἀσθαίνω (legendum ἀσταίνω, monstrante ordine literarum)· δυσπαθῶ, κακοπαθῶ, μοχθῶ, τάλαιπαρῶ. — De accusativo τὰ μολόντι ex verbo ἀσταίνει pendente vid. Matth. Gr. gr. §. 414.

Electr. v. 1422. seq.

Καὶ μὴν πάρεισιν οἶδε· φοινία δὲ χεῖρ
στάζει θνηλῆς Ἄρεος, οὐδ' ἔχω λέγειν.

Haec a choro dicuntur, ubi Orestes et Pylades perpetrata caede Clytaemnestrae foras prodeunt. In libris hi versus et quae continuo sequuntur verba Ὁρέστα, πῶς κρεῖ, Electrae tribuuntur, ita ut haec οὐδ' ἔχω λέγειν, Ὁρέστα, πῶς κρεῖ, in unam sententiam coniungantur. Erfurdtius strophicorum versuum indicio primos duos versus Electrae, reliqua choro tribuit. Hermannus contra choro illos, haec Electrae assignavit. Rectissime vero. Chori est enim prodeuntes in scenam nunciare, non sceni-
corum, ut qui aversi stent a postsceniis. Virgines porro teneras, ex quibus chorus Electrae compositus est, decet exhorrescere manns sanguine stil-
lantes, dedecet virilem Electrae animum, dedecet ferociam illam, qua modo inter ipsam matris caedem atrociter acclamaverat fratri: παῖσον, εἰ σθέ-
νεις, διπλῆν (v. 1415.).

Distributis igitur in duas personas versibus, quos vulgo soli Electrae assignabant, verbum λέγειν, quo vel coniuncto cum iis, quae sequuntur, nihil excogitari potest frigidius, disiunctum ab his multo etiam minus ferri potest. Nam quo sensu Wunderus illud accipi vult, ut hoc dicat chorus: »neque habeo, quid dicam, i. e. tantopere horret animus, ut quid dicam nesciam,« eo versor ut Graece dictum sit, Graece enim id diceretur οὐδ' ἔχω, τί φῶ; (Oed. Col. v. 318. Aesch. Choeph. v. 89.). Qua autem sola ratione vulgata scriptura defendi possit, ut scribatur οὐδ' ἔχω λέγειν — cum aposiopesi, i. e. »non autem habeo dicere; interfecerint Clytae-

muestram, an vulneraverint tantum, an ipsi sauciati sint, eam recte indicat Hermannus satis frigidam fore, quia non dubium fuerit, quin statim rem cogniturae essent.

Emendatione igitur opus est. Quae adhuc a viris doctis prolatae sunt coniecturae, non satisfaciunt. Reisigius in Coniectt. p. 15. *στέγειν* legendum coniecit, quod probavit nemini. Erfurdinus, quod reposnerat οὐδ' ἔχω τί φῶ, ipse in adnotationibus reiecit, alia proposita coniectura *ψέγειν*. Hanc recepit Hermannus, licet aliter, quam ab inventore factum erat, interpretans. Sed audiamus ipsum, statim post illa, quae supra apposui, his verbis pergentem: „Sed non minus alienum est, si id, quod cum Erfurdio reposui, ut ille fecit, de caede matris, quam probet chorus, intelligitur. Id enim ne personae chori parum conveniat, certe non convenit tempori, quippe re nondum comperta. Itaque commate distinxī post Ἄρεος, ut verba illa ad cruorem, quo isti sunt affatim conspersi, referantur. Quod est Homeri imitatione dictum Iliad. δ, 539. *ἐνθα κεν οὐκέτι ἔργον ἀνὴρ ὀνόσσειτο μελεθῶν.* Recte Homerus quidem. Nam fortiter proeliantes viros laudare virorum est. At fortitudinem admirari eius, qui caede mulieris inermis, quid dico? qui matricidio commisso cruenta manu incedit, id vero inaudita est immanitatis, quae ne ferocissimis quidem barbaris conveniat, nedum virginibus liberaliter educatis.

Quod si consideraveris, quid potissimum deceat chorum in hoc rerum statu dicere, vix dubitandum videbitur, quin a poeta eiusmodi quid scriptum fuerit, cuius haec esset sententia: cruenta autem stillat manus mactata Marti victima, neque ego ad spectum eius sustineo. Atque ad hanc efficiendam sententiam haud violenta opus est mutatione. Scribe:

οὐδ' ἔχω βλέπειν.

Proprium enim βλέπειν in tali re. Cf. Oed. Col. v. 1650. seqq. *ὀμμάτων ἐπίσιον χεῖρ' ἀντέχοντα κρατός, ὡς δεινοῦ τινος φόβον φανέντος, οὐδ' ἀνασχετοῦ βλέπειν.* Aiac. v. 917. seqq. *οὐδεὶς ἄν, ὅστις καὶ φίλος, τλαίη βλέπειν φασγάνῃ ἄνω πρὸς θῖνας ἐκ τε φοινίας πληγῆς μελανθὲν αἷμ' ἀπ' οἰκείας σφαγῆς.* Fons corruptelae non difficilis est ad perspicendum. Videlicet pro litera Π, ut saepe accidit, Γ legentes librarii, quum haec verba cum sequentibus coniungerent, vix poterant antiquam agnoscere scripturam βλέπειν, quippe ab hao verborum complexione alienam, ideoque, quod aptius videri poterat, λέγειν pro vero habentes, literam β, ea fortasse forma

exaratam, qua praecedenti literae ω similis evaderet (vid. Bast. Comm. Palaeogr. p. 708.), scribentis socordia iteratam putantes, omiserunt.

Antig. v. 349 — 353.

Κρατεῖ δὲ μηχαναῖς ἀγραύλου
 Θηρὸς ὀρεσσιβάτα, λασιαίχενά θ'
 ἵππον ἄξεται ἀμφίλοφον ζυγὸν
 οὐρειὸν ἔ' ἀκμῆτα ταύρον.

Ad versum 351. manifesto corruptum haec adnotat scholiastes: Ἀμφίλοφον ζυγόν (scribendum ἀμφι λόφον ζυγόν, ut ex eo, quod paullo post sequitur, lemmate ἢ ἀμφίλοφον apparet. Monuit Hermannus.): ἀντὶ τοῦ, περιβαλὼν αὐτῷ ζυγὸν περὶ τὸν λόφον, ὑπάγει. Ἡ ἀμφίλοφον, τὸν ἀμφι-
 τράχηλον, τὸν ἀμφοτέρωθεν συνέχοντα τοὺς λόφους τῶν ὑποζυγίων. Καὶ
 λείπει ἢ ὑπὸ ὑπὸ ζυγὸν ἄγει. Hinc Wexius in Sylloge adnotationum scholi-
 astam coniciebat legisse

ἵππον ἄγει λόφον ἀμφιβαλὼν ζυγόν,

voluisse autem supplere ὑπὸ, quia non cogitaret ἀμφιβάλλειν, uti ἐνδύειν et similes voces, cum duplici accusativo construi posse (de qua constructione vid. Matth. Gr. gr. §. 426.). Huius coniecturae, ab ipso auctore, credo, quia longius recederet a librorum scriptura, reiectae, nuper patrocinium suscepit G. Wolffius (de scholl. Laur. varr. lect. p. 198. seqq.), corruptionis originem repetens ex verbo ἐπάξεται, quod v. 362. legitur. unde in hunc versum illatum putat ἄξεται. Id quidem longius petium est, quam ut cuiquam sperem persuaderi posse. Accedit, quod ne ipsa quidem verba ista ἵππον ἄγει λόφον ἀμφιβαλὼν ζυγὸν ea sunt, quae quis possit a poeta profecta credere. Neque enim credibile est, postquam v. 342. de avibus capiendis dictum est ἀμφιβαλὼν ἄγει, eandem dictionem in eodem carmine poetam paullo post diverso sensu de equis domandis adhibitorum fuisse. Facilius crederem scriptum fuisse

ἵππον ἐλῆ λόφον ἀμφιβαλὼν ζυγόν.

Verbum ἐλῆ, de praesenti tempore poetis non inusitatum, quum interpres vetus male de futuro intelligeret, putari potest ἄξεται glossema adscripsisse, a librariis postea in textum illatum. Atque sic ego mutata

Wexii emendationem, si non veram, at veritati tamen proximam atque omnibus, quae hucusque de hoc loco tentata sunt, longe praeferendam ducere, si firmiori illa niteretur fundamento, quam incerto isto obscuri scholii testimonio. Cuius e verbis ne hoc quidem satis certo cognosci potest, aliene fuerit in scholiastae libris an eadem, quae in nostris, scriptura. Primum enim, quod praesentis temporis verbum posuit ὑπάγει, ex eo non sequitur, ut eiusdem temporis verbum in suis libris invenerit, permutare enim tempora scholiastas solere quum ab aliis tum a G. Wolfio observatum est l. c. p. 30, ubi plurima eius permutationis exempla congesta reperies. Nihilo certius est verbum ἀμφιβάλων scholiastae ante oculos fuisse. Quod enim pro interpretamento posuit περιβαλὼν αὐτῷ ζυγὸν περὶ τὸν λόγον, ὑπάγει, id sic quidem scriptum absonum est. Non enim postquam circumdedit, sed ut circumdet collo iugum, auriga sub iugum ducit equum. Sin autem id, quod temporum ratio suadere videretur, scripsit περιβαλὼν, quid impedit, quominus eum existimemus ipsam nostrorum librorum scripturam interpretatum ivisse verbis quidem sic distinctis: ἀμφὶ λόγον ζυγόν? Nam quum coniungeret verba ἵππον ἄξεται ζυγόν, eaque interpretaretur ἵππον ὑπάγει ὑπὸ λόγον, non potuit ista ἀμφὶ λόγον aliter explicare, quam ita, ut fecit, περιβαλὼν αὐτῷ ζυγὸν περὶ τὸν λόγον. Quid est enim aliud equum ducere sub iugum circa collum, atque equum ducere sub iugum collo circumdandum?

Quae quum ita sint, scholiorum adminiculo destituti in sola nitimur librorum scriptura. Ac mihi, qui admirabilem illam, quam hoc carmine chorus celebrat, ingenii humani vim non tam in iugo equis iam mansuefactis imponendo, quam in domitis primitus coactisque sub iugum etiam tum feris bestiis cerni intelligam, non dubium videtur, quin futurum ἄξεται vel, quod La. et Par. F. habent, ἔξεται ex aoristo verbi eiusmodi, cui cogendi vis subiecta esset, et praepositione ὑπὸ corruptum sit. Cuiusmodi verbum nemo, credo, aptius reperiet, quam ἔλκειν cohibere. Itaque suspicor a Sophocle scriptum fuisse

ἵππον ἔλξ' ὑπὸ ἀμφίλογον ζυγόν.

Verbum ἔλκειν de re vinculis constringenda usurpavit Parmenides ap. Simpl. Comm. in Aristot. Physic. fol. 7. a. οὕτως ἔμπεδον αὐθι μένει (sc. τὸ ὄν) κρατερὴ γὰρ ἀνάγκη πείρατος ἐν δεσμοῖσιν ἔχει, τό μιν ἀμφὶς ἔλκει, metaphora aperte desumpta ab equis sub iugum cogendis. Cum praepositione ὑπὸ idem verbum constructum est a Soph. in Aiac. v. 753. εἰρῆαι Αἴανθ' ὑπὸ στέγαισι. Atque simili dictione etiam Virgilius de

equis utitur Aen. VII, 639.: ad iuga cogit equos. Forma aoristi ἔρξα, quamquam apud Homerum non invenitur, tamen non vereor, ne cui dubitationem afferat. Neque enim ratione Homerum, sed casu ea abstinuisse ex eo colligi potest, quod ne alteram quidem formam ἔρξα plus semel habet (Od. ξ, 411.), neque Sophocles credi debet tam putide Homeri vestigia secutus esse, ut forma grammaticae legibus convenienti propterea, quod casu ille abstinuisset, sibi quoque abstinendum putaret. Certe eiusdem illius verbi futurum ἔρξεται Homero inusitatum ipse non dubitavit usurpare Oed. R. v. 890.

Antig. v. 904.

Καίτοι σ' ἐγὼ τίμησα τοῖς φρονοῦσιν εὖ.

Haec Antigoniae verba, si suo quodque significato accipiuntur, nihil significare possunt nisi hoc: quamquam ego te honoravi iudicio eorum, qui recte sapiunt. Ineptum vero ad sapientium iudicium provocare in re non controversa. Honoratum enim esse ab Antigona Polynicen, quis erat, qui negaret? Erant autem, qui iniuria id factum contenderent. Ab his igitur Antigona ad sapientiores provocare debebat, dicens: tamen ego te iure honoravi sapientium iudicio. Id quum recte intellexissent interpretes, alia alii conati sunt, ut ex librorum scriptura illam extorquerent sententiam. Et scholiastes quidem, postquam quae in codicibus leguntur verba sic circumscripsit: *παρὰ τοῖς καλῶς φρονοῦσι δοκῶ σε τιμήμηναι*, extrinsecus infert id, in quo cardo rei versatur, ita pergens: *ὥστε τοὺς συνετοὺς ἀποδέξασθαι τὰ ἐπ' ἐμοῦ εἰς σέ γεγόμενα*. Hanc explicationem Hermannus firmaturus dativo *τοῖς φρονοῦσιν* istam probandi significationem tribuit, haec adnotans: »Quum dicere velit *ὀρθῶς σε ἐτίμησα*, ita hoc exprimit, ut dicat: et tamen te ego, ut sapientibus probarer, honoravi. Id quod idem est, ac si dicat: sapienti consilio.« At ut in dativo ista vis insit, hoc tamen me non intelligere fateor, quomodo idem sit »ut sapientibus probarer« et »sapienti consilio.« Nam qui quid ideo facit, ut probetur sapientibus, eius laudanda quidem est voluntas, utrum autem recte ac sapienter faciat, an male stulteque, non potest ex sola mente ac voluntate aestimari. Potest enim voluntas bona esse in

stultissimo consilio. Idque ipsum in Antigonom cadere aequiores eius iudices chorus et Ismena arbitrabantur, laudantes quidem pietatem, vituperantes autem temeritatem et arrogantiam, ut v. 98. seq. *ταῦτο δ' ἔσθ', ὅτι ἄνους μὲν ἔρχει, τοῖς φίλοις δ' ὀρθῶς φίλη.* — Aliam viam ingressus Triclinius artificio quodam constructionis eandem istam sententiam elicere studet, iubens particulam *εὖ* cum verbo *ἐτίμησα* coniungi. Atque concedendum sane potuisse ab auditoribus ita verba intelligi, si sic ab histrione pronunciabatur: *καίτοι σ' ἐγὼ ἐτίμησα* — *τοῖς φρονοῦσιν* — *εὖ*, eruntque fortasse, quibus ob id ipsum placeat hic verborum ordo, quod vox ea, qua caput continetur sententiae, sic in fine orationis et post pausam collocata, praecipua cum vi in pronuntiando extollitur, cuius collocactionis exemplum geminum exstat in Oed. Col. v. 642. *ὦ Ζεῦ, διδοίης τοῖσι τοιαύτοισιν εὖ.* Verum ne conquiescamus in hac explicandi ratione, quum durities dissuadet constructionis, qua verba divelluntur solemniter fere coniuncta *φρονοῦσιν εὖ*, tum ipsa admonet scripturae in melius mutandae facilitas. Omnia enim bene recteque procedent, si scripseris

καίτοι σέ γ' εὖ ἐτίμησα τοῖς φρονοῦσιν εὖ,

id est: quamquam te quidem recte honoravi indicio eorum, qui recte sapiunt. Habes verbum, quod in vulgata scriptura aut desiderabatur aut vi extorquendum erat, quo recte honoratus frater diceretur; habes eandem, quae in Triclinii ratione placebat, vim, non perplexa illam constructione effectam, sed iusta verborum collocactione sponte prodeuntem, eamque auctam etiam iteratione particulae *εὖ*, non infrequenti quidem tragicis (cf. infra v. 1031. *εὖ σοι φρονήσας εὖ λέγω.* Philoct. v. 672. *ὅστις γὰρ εὖ δρᾷν εὖ παθῶν ἐπίσταται.* Aesch. Agam. v. 486. *εὖ γὰρ πρὸς εὖ φανεῖσι πρὸς θήκη πέλοι.* Eumen. v. 830. *εὖ δρῶσαν, εὖ πάσχουσαν, εὖ τιμωμένην.* Suppl. v. 216. *ἀλλ' εὖ τ' ἐπεμψεν, εὖ τε δεξάσθω χθονί.*); habes denique, quod in vulgata non expressum est, exprimi autem pene est necessarium, oppositum per γὰρ particulam coniungi et liberis fratrem. Hoc enim dicit Antigona: te quidem fratrem recte honoravi, liberos autem aut coniugem si eodem prosecuta essem honore, minus recte fecissem. Eaque omnia unius literae ω mutatione consecuti sumus, quam literam cum diphthongo *eu* confundi facile posse ex ipso earum literarum ductu conspicuum est. Cf. Schaefer. ad Greg. Cor. p. 469.

Antig. v. 1301. seq.

‘*Η δ’ ὀξύθηκτος ἦδε βωμία περίξ
λύει κελαινὰ βλέφαρα, κωκύσασα μὲν etc.*

In priori horum versuum merito haeserunt interpretes. In principio statim versus valde molesta est adversativa particula *δέ*, qua cui opponatur Eurydice (de ea enim nuncius loquitur), haud facile dixeris, quum iis, quae proxime antecedunt, verbis eiusdem Eurydices mortem Creon conqueratur. Quod autem antiqui codices habent, *ἦδ’ ὀξύθηκτος, ἦδε βωμία*, id quidem prorsus absurdum est. Deinde quod deinceps sequitur *ὀξύθηκτος*, non posse proprio solitoque significato, quo valde acutum significat, accipi per se patet. Interpretes alii acuto ferro percussam, alii furibundam dici Eurydicen opinantur. Qui illud, confundunt diversissimas inter se notiones, quales sunt acutum et percussum, qui hoc, corrumpunt sententiam. Non enim recte cohaerent haec: furibunda oculos claudit, quia furibundi potius est sibi vim inferre, quam, postquam intulerit, oculos morte claudere. Insolenter denique et vix Graece dictum est *βωμία περίξ* pro *περιβώμιος*.

His de causis iis assentior, qui turbatum aliquid in hoc versu iudicant. Quod autem latius etiam serpsisse vitium versusque unius post hunc iacturam factam esse existimant, id neque ex antistrophica huius carminis ratione consequitur, possunt enim hi versus pro mesodo duorum systematum strophicorum haberi, neque ex eo, quod mancus videtur hac textus constitutione sensus existere, colligi licet, potest enim fieri, ut genuina scriptura restituta nihil ad plenam integramque sententiam deesse videatur. Idque ego probabili coniectura praestare me posse confido.

Etenim videor mihi reperisse mirum illud *περίξ* nihil esse nisi praepositionem *περὶ* et reliquias vocabuli in attrito forte chartae margine mutilati: *ξίφει*. Hoc invento iam facile est in reliquo versu et poetae manum indagare et librariorum veterum errores perspicere. Scripserat, ut videtur, poeta:

*ἦδ’ ὀξύθηκτος βωμία περὶ ξίφει
λύει κελαινὰ βλέφαρα etc.*

Haec, ait nuncius vel digito monstrans vel propius quum accessit ad corpus mortuae in ara positum, haec acuto percussa in aris gladio sub atra nocte natantia solvit lumina. Librarii nomine suo destitutum adiectivum *ὀξύθηκτος* ad Eurydicen referendum opinati

ὀξύθηκτος scripserunt; tum versus integrandi causa alterum ἦδε inculcarunt.

Verba περὶ ξίφει significare gladio percutsum notissimum est. Est tamen, quare eorum cum verbis βωμία λύει βλέφαρα constructio audacior aliquanto videri possit, quam quae aliae eiusdem generis dictiones apud poetas inveniuntur, velut Hom. Iliad. γ, 570. περὶ δουρὶ ἤσπαιρε. θ, 86. κυλινδόμενος περὶ χαλκῷ. σ, 230. seq. ὄλοντο - ἄμφ' σφοῖς ὀχέεσσι καὶ ἔγχεσιν. Odyss. μ, 395. κρεῖα δ' ἄμφ' ὀβελοῖς ἐμεμύκει. Soph. Aiac. v. 828. πεπτιῶτα τῷδε περὶ νεοῤῥάντῳ ξίφει. Vid. Nitzsch. ad Odyss. λ, 423. Atque erit fortasse, qui, eiusmodi vocem, qualis in Aiakis loco est πεπτιῶς, hic quoque requiri putans, πτώσμος pro βωμία reponi malit, praesertim postquam de vocabulo βωμία dubitationem attulit Hermannus in adnotatione ad h. l. quaerens: »deinde quae illa est ara, quam non in templo, non in loco sacro, sed ipsis in regis aedibus manum sibi intulerit?« At neque audacior verborum constructio in sublimiore melicorum dictione quidquam offensionis habet, neque quod ad aram domesticam mulier iras deorum in caput coniugis detestatura procubuisse ibique necem sibi conscivisse, atque eius rei mentionem facere nuncius de detestatione illa dicturus fingitur, non recte a poeta institutum esse videri debet. De aris domesticis, quae plures erant in regum aedibus, cf. Eurip. Alcest. v. 170. πάντας δὲ βωμούς, οἱ καὶ Ἀδμήτου δάμονες, προσῆλθε. Soph. Trach. v. 900. seqq. ἐπεὶ γὰρ ἦλθε δωμάτων εἴσω μόνη καὶ παῖδ' ἐν ἀδλαῖς εἶδε - - -, βρυχᾶτο μὲν βωμοῖσι προσπίπτονισ', ὅτι γένοιτ' ἐρήμη.

Oedip. R. v. 214. seq.

Πελασθῆναι φλέγοντ' ἀγλαῶπι
 πεύκε' πὶ τὸν ὑπότιμον ἐν θεοῖς θεόν.

Post ἀγλαῶπι excidisse tres syllabas, quae creticum efficerent, Hermannus intellexit. Quaerenti, cuiusmodi vox perierit, vix potest dubium videri, quin faci, qua armatus dicitur Bacchus, praeter splendoris epitheton ἀγλαῶπι etiam alterum, quod rapiditatem flammae vel ardorem significaret, appositum fuerit; ardore enim, non solo splendore, fax ad

depellendum hostem idonea est. Eiusmodi adiectivum non credo aptius reperiri posse quam *δαίη*. Notissima est Homeri dictio *πυρὶ δαίη*, quam etiam tragici usurpant, ut Aesch. Sept. v. 204. Eurip. Helen. v. 197. Librarius vocem *ΔΑΙΔ*, opinor, proclivissimo errore *ΔΑΙΔ* legens propter sequens eiusdem significatus nomen *πενία* tanquam ex glossemate insertum omisit.

Oedip. R. v. 328. seq.

*Πάντες γὰρ οὐ φρονεῖτ'· ἐγὼ δ' οὐ μήποτε
τᾶμ', ὥς ἂν εἶπω μὴ τὰ σ', ἐκφύγω κακά.*

Oratio dura admodum et perplexa, quomocunque membra distinguis. Scholiastes coniungit verba *ὥς ἂν εἶπω μὴ τὰ σ'*, haec adnotans: *οὐκ ἐμφανῶ τὰ ἐμὰ ἐπη, ἵνα μὴ τὰ σὰ εἶπω κακά*, eamque distinguendi rationem Hermannus praenunte plerique editores secuti sunt, tolerabilius sane, quam quidquid praeterea a viris doctis ad explicandum locum tentatum est. Verum quominus acquiescamus in ea ratione, impedit inepta in hac sententia verborum collocatio, qua quum *τᾶμ'* et *τὰ σ'* ut contraria inter se opponantur, contrarium autem inter Tiresiae mala vaticinia et Oedipodis mala facinora nihil sit, nisi quod commune est omnium vaticiniorum, ut alius sit vates, alius is, cui vaticinetur, non facetum istud in opponendis contrariis acumen, sed inanem frigidumque esse verborum lusum quilibet sentiet. Ita demum se recte haberet ista verborum collocatio, si in hanc sententiam liceret verba accipere: Ego vero nunquam mea — ne dicam: tua — patefaciam mala, id est, ego nunquam mihi, ne dicam: tibi, vaticinando mala parabo. Metuebat enim Tiresias, ne in perniciem suam verteret vaticinatio (v. 324. seq. v. 332.). Verum obstat particula *ἂν*.

Quare videndum, ne quid lateat in vulgata scriptura vitii. Melius certe proceperet oratio, si, leniter mutata codicis Veneti scriptura *τᾶλλ'* *ὥς ἂν εἶπω*, sic scripseris:

*ἐγὼ δ' οὐ μήποτε
τᾶλλον ἀνείπω, μὴ τὰ σ' ἐκφύγω κακά.*

Quibus verbis, ut vatem decet, per ambages Tiresias hoc dicit: Ego

nunquam aliorum (id est eorum, qui Laium interfecerunt, quos tu alienos a te putas) mala facinora edicam, ne tua patefaciam.

Oedip. R. v. 665 — 668. et v. 695 — 698.

Stroph. Ἀλλὰ μοι δυσμῶρος
γὰ φθίνουσα τρύχει [ψυχάν],
καὶ τὰδ' εἰ κακοῖς κακὰ
προσάψει τοῖς πάλοι τὰ πρὸς σφῶν.
Antistr. ὅς τ' ἐμὴν γὰρ φίλαν
ἐν πόνοις ἀλύουσιν καὶ
ὀρθὸν οἴρισας, τανῦν τ'
εὐπομπος, εἰ δύναιο, [γενοῦ].

Quae uncinis inclusi verba *ψυχάν* et *γενοῦ*, neque metris conveniunt neque lecta videntur a scholiasta. Delevit Hermannus ut interpretis additamenta. Quo facto numeri congruunt, laborat sententia. Atque primum inaudita est locutio *τρύχει μοι γὰ*. Requiritur accusativus. Quod Hermannus proposuit *ἀλλὰ μὲν ἡ δυσμῶρος γὰ φθίνουσα τρύχει*, non est eiusmodi, ut facile in vulgatam scripturam mutari potuerit. Verisimilius duco in particula *καὶ*, vel sic suspecta criticis eiectaque a Wundero, latere vocabulum *κέαρ*. Quod quum insuave sit per synizesin in unam comprehendere syllabam, praestat in antistrophe post *ἀλύουσιν* addere particulam *αὖ*, quae facile excidere potuerit praecedente simili syllaba *αν*.

Illā vero, quae in extrema antistrophe leguntur, *τανῦν τ' εὐπομπος, εἰ δύναιο*, sensu prorsus cassa sunt. Quod Hermannus reposito ex bonis codicibus *τανῦν δ'* pro *τανῦν τ'* et sublata interpunctione scripsit *τανῦν δ' εὐπομπος εἰ δύναιο*, ut *εἰ* optantis esset, ad *δύναιο* autem repeteretur *καὶ* ὀρθὸν οἴρῃσαι, id et ad constructionem verborum durius est, neque ad rem satis accommodatum. Neque enim optandi hic locus videtur esse, ubi rationem reddit chorus, quare se neget mentis compotem fore, si salutis suae auctorem proditum eat. Rectius certe sententia procederet, si hoc diceret chorus: qui et antea terrae meae salutem attulisti, et nunc attuleris, si possis. Eaque sententia ut exoriatur, nihil opus est nisi inserta particula *αὖ* hoc modo: *τανῦν τ' αὖν,*

εὐπομπος, *εἰ δύναιο*. Subaudiendum enim *οὐρίσσεας* ex praegresso *οὐρίσας*, de quo loquendi genere egerunt Matth. Gr. gr. §. 599. 4. Kühner. Gr. gr. §. 456. Herm. de part. *ἄν*, lib. IV. cap. IV. Distinxi autem post *ἄν*, ut, voce *εὐπομπος* ad utrumque disiunctivae sententiae membrum relata, solum *τανῦν τε*, ut debet, oppositum cogitaretur: qui, ait chorus, et antea terram meam malorum tempestatibus fluctuantem rursus direxisti flatu secundo, et nunc quoque direxeris, felix illi comes, si possis. Sed erant fortasse, qui ne opus quidem esse particula *ἄν* ad efficiendam istam sententiam iudicent, exemplis usi Eurip. Phoen. v. 1616. seq. *τίς ἡγεμὼν μοι ποδὸς ὁμαρτήσῃ τυφλοῦ; ἢ δ' ἢ θανοῦσα; ζῶσα γὰρ σάφ' οἶδ' ὅτι*, et Platon. Sympos. p. 176. D., ut probabiliter locum ex coniectura restituit Stallbaumius, *ἐγὼ γέ σοι εἰώθα πείθεσθαι*, - - - *νῦν δ', ἄν εὖ βουλευόνται, καὶ οἱ λοιποί*. Verum in Phoenissis incertum est, an genuinum sit, quod ex libris nonnullis receperunt Dindorfius et Hermannus: *ζῶσα γ' ἄν σάφ' οἶδ' ὅτι*, in Symposio autem non optativus, sed futurum subauditur. Itaque hoc loco, si abesset particula *ἄν*, supplendum esset: *τανῦν τ' οὐρίσας*, quod absonum est. Cf. Herm. ad Philoct. v. 948. Inserto igitur *ἄν*, ne impar sit versus strophicus, *προσάψει* in *προσάπεται* mutandum est, cuius verbi terminatio *εται* solito compendio scripta facile in *ει* transibat. Minus placeret, si, quod forsitan quispiam conciliat, servato in strophæ *προσάψει*, in antistrophæ scriberetur *τανῦν τ' ἄν πομπός, εἰ δύναιο*. Neque enim ducendi, sed bene ducendi requiritur notio.

His mutationibus qui prodeunt numeri, sunt ex usitatissimis, id quod apparebit sic descriptis versibus:

stroph. *ἀλλὰ μοι δυσμῶρε
 γὰ φθίνουσα τρῦχει κέαρ,
 τὰδ' εἰ κακοῖς κακὰ
 προσάπεται τοῖς πάλοι τὰ πρὸς σφῆν.*
 antistr. *ὅς τ' ἐμὴν γὰρ φίλαν
 ἐν πόνοις ἀλόνουσαν, αὐ
 κατ' ὀρθὸν οὐρίσας,
 τανῦν τ' ἄν, εὐπομπος, εἰ δύναιο.*

Oedip. R. v. 873 — 878.

Ἵβρις φντεῦναι τύραννον
 Ἵβρις, εἰ πολλῶν ὑπερπλησθῇ μάταν,
 ἂ μὴ ᾽πίκαιρα μὴδὲ συμφέροντα,
 ἀκρότατον εἰς ἀναβᾶσ'
 ἀπότομον ὥρουσεν εἰς ἀνάγκαν,
 ἔνθ' οὐ ποδὶ χρησίμῳ χρῆται.

Qui novissime hunc locum tractavit, G. Wolffius, in commentatione de scholl. Laurentt. p. 88. seq. ad v. 876. haec adnotavit: »Quum verba antistrophae« (strophae) »ὑψίποδες οὐρανίαν δι' αἰθέρα τεκνωθέντες - - - corruptionis suspicionem minime moverent, plerique stropham« (antistropham) »mutare maluerunt, ubi codd. ἀκροτάταν εἰς ἀναβᾶσ' (i. e. Ἵβρις) ἀπότομον ὥρουσεν εἰς ἀνάγκαν. Neque tamen schol. hoc legit: nam ait: Ἵβρις, φ., μὴδὲν καίριον διαπραττομένη, εἰς δύσβατον ἀκρόρειαν ἀναβιβάσασα τοὺς χρωμένους αὐτῇ, κατεκρήμνισεν. ἢ οὕτως ἀπότομον ὥρουσεν εἰς ἀνάγκην - - -. Ille igitur εἰς ἀναβᾶσας habuit. Quod ex scholio concludi posse negat quidem Dind. in ann. Oxon., nam pedestri tantum oratione ab interprete poetae verbum intrans. expressum esse. Mirum hoc! Immo rectissime Herm. ei respondit, neminem planissimam illam vocem εἰς ἀναβᾶσα ita interpretaturum fuisse. Atque verae lectionis vestigia etiam Par. d. servavit, qui εἰς ἀναβιβάσας habet, et schol. min., qui, sicut Laurentianus, ἀναβιβάσασα annotat. Scilicet semel librarii αὐτὸν scripserunt, quod bis scribere debebant. Tum schol. nostri verba εἰς δύσβατον ἀκρόρειαν ostendunt, eum ἀπότομον »(ἀκρότατον)« legisse idque cum voce ἀκρότατον »(ἀπότομον)« coniunxisse, quasi alterum esset substantivum. Sed debebat potius adverbialem voci ἀκρότατον tribuere sensum, ut fecit Herm., coniungere autem ἀπότομον ἀνάγκαν, quod Wund. quidem ineptum nominat, sed frustra, siquidem ultrix Necessitas a poeta quasi vorago fingitur, in quam praiceps irruat, quisquis protervus summum quodque ac periculosissimum fastigium petierit. — Quod ego ex schol. elicuisse mihi videor, ἀκρότατον, id ipsum Erfurdians de suo coniecit: deinde ad coniecturam εἰς ἀναβᾶσας incidit etiam Duentzerus in Zimm. ann. phil. 1836. p. 859. Cuius verbi obiectum aut in universum sunt homines, aut suppl. τινά, aut ex Ἵβρις suppl. ἔβριζοντας. Aeristo I. verbi βαίνω, ne quis tragicis forte poetis eum abiudicet, usus est Eur. Alc. 1065.:

ἡ τῆς θανούσης θάλαμον εἰσβήσας (i. e. νέαν γυναῖκα) τρέφω: et Helen.
1615. ἐς δὲ γαῖαν ἐξεβήσέ σοι τάδ' ἀγγελοῦντα (i. e. me). Numeri denique
hi sunt:

$\bar{v} \text{ — } \text{—} v \text{ —}, \text{—} \text{—} v \text{ —} v \text{ —} \text{—} v \text{ —}$
 $\text{—} \text{—} \text{—} \text{—} v \text{ —}, \text{—} \text{—} \text{—} \text{—} v \text{ —}$
 $\bar{v} \text{ —} \text{—} v \text{ —}, \bar{v} \text{ —} \text{—} v \text{ —}, v \text{ —} \text{—} v$
 $\text{—} \text{—} v \text{ v } \text{—} \text{—} v \text{ v } \text{—} \text{—} \bar{v}$
 $\bar{v} \text{ —} \text{—} v \text{ v } \text{—}, \text{—} \text{—} v \text{ —} v \text{ —} \frac{v}{\text{—}}$

Hactenus Wolfius. Videamus primum de scholiastae lectione. Sunt autem scholia, unde particula ista excerpta est, integra haec: (1) ἔβρις φντεῦει τύραννον: διὰ τῆς ἔβριως φνέται καὶ ἀνανεοῦται ὁ τύραννος. ὅταν (καὶ ὅταν Suid.), φησί, πολλὰ διαπραύξεται, τότε εἰς μέγαλιν ἐμπίπτει (Brunckius inseruit κακά, Suidas habet εἰς μέγαλιν ἀνάγκην ἐμπίπτει), διὰ τῆς ἔβριως ἐπαρθεῖς. ταῦτα μὲν φησί περὶ τῆς Ἰοκάστης, ὅτι ἀνεπιτήδεια λέγει περὶ τῶν θεῶν νόμων. τὸν δὲ λόγον ποιοῦσι περὶ τῆς τυραννίδος, ἵνα μὴ δοῶσιν ἐμφανῶς αὐτὴν διελέγχειν. (2) ὁ δὲ νοῦς ἔβρις φντεῦει τύραννον, ὁπόταν πολλῶν ὑπερπλησθῇ μάτην, ἧ ἔστι μὴδὲ ἐπικαιρὰ μὴδὲ ἑαντῷ (μὴδ' αὐτῷ Brunck.) ἐκείνῳ συμφέροντα. ἀσυνδότης δὲ εἶπεν. (3) ἔβρις, φησί, μὴδὲν καίριον διαπραττομένη, εἰς δόρυβαν ἀκρωρειαν ἀναβιάσασα τοὺς χρωμένους αὐτῇ, κατεκρήμνισεν. (4) ἡ οὕτως ἀπότομον ὥρουσεν εἰς ἀνάγκην, ἥλατο εἰς τοῦτο, ὥστε αὐτὸν εἰς ἀνάγκην γενέσθαι ὅφ' ἐτέρων κρατηθῆναι. Apparet haec non unius interpretis esse, sed vel trium vel quatuor. Quorum qui hoc scripsit: ἀσυνδότης δὲ εἶπεν, aperte εἰσαναβὰς legit totumque hanc verborum ambitum εἰ πολλῶν ὑπερπλησθῇ — χρῆται. v. 874 — 878. non ad ἔβριν, sed ad τύραννον retulit, distinguens, opinor: ἔβρις φντεῦει τύραννον, ἔβρις· εἰ πολλῶν etc.; aliter enim non efficitur asyndeton. Neque enim credibile est, eum, quod nimis absurdum foret, post συμφέροντα maiore interpunctione distinxisse. Pertinet autem dictum istud non, ut Erfardius volebat colon ponens post εἶπε, ad sequentia, quibus recte ad ἔβριν tota sententia refertur, sed ad superiora illa: ὁ δὲ νοῦς ἔβρις φντεῦει τύραννον, ὁπόταν etc. Quae quamquam et manca sunt ad sententiam — perit enim apodosis — et mendose scripta, tantum tamen e pronomine reflexivo ἑαντῷ, si sana est scriptura, intelligimus, verbum ὑπερπλησθῇ ad τύραν-

νον referri, unde verisimile sit pro ὁπόταν scholiastam ὅς ὅταν scripsisse. — Eandem scripturam εἰσαναβᾶς hand scio an primi quoque scholii auctor habuerit; convenit certe interpretatio: ὅταν, φησί, πολλὰ διαπραΐζεται, τότε εἰς μεγάλην ἐμπίπτει κακὰ διὰ τῆς ἔβρεως ἐπαρθεῖς, ubi ἐπαρθεῖς, ut videtur, interpretatio est lectionis εἰσαναβᾶς. Atque sic discrete Snidas, qui s. v. ἔβρις ex eodem isto scholio haec refert: ἔβρις φντεύει τύραννον ἔβρις, εἰ (interpunge τύραννον, ἔβρις· εἰ) πολλῶν ὑπερπλησθῇ μάταν, ἃ μὴ ἐπικαιρα μὴ δὲ συμφέροντα. διὰ τῆς ἔβρεως, φησὶν, ἀνανεοῦται ὁ τύραννος. καὶ (attende ad hoc extrinsecus illatum καὶ, quo melius intelligas, cur ἀσυνδέτως haec dicta opinetur alter scholiastes) ὅταν, φησί, πολλὰ διαπραΐζεται, τότε εἰς μεγάλην ἀνάγκην ἐμπίπτει διὰ τῆς ἔβρεως ἐπαρθεῖς· τοῦτο γὰρ σημαίνει τὸ ἀκροτάτων εἰσαναβᾶς ἀπότομον ὥρουσεν εἰς ἀνάγκαν. — Iam qui tertium scholion scripsit, cuius initium est ἔβρις, φησί, μηδὲν καίριον, potuit quidem fieri, ut in suo exemplari legeret εἰσαναβιβᾶσας vel etiam εἰσαναβᾶσας, — unde enim decernas? — potuit vero etiam, ut idem, quod nos legimus, εἰσαναβᾶς, ita quidem, si transitivo sensu hoc participium, sicut verbum ὥρουσεν, accipiebat, errore sane nec miro admodum nec singulari, siquidem apud Homerum quoque Odyss. ψ, 52. aoristo ἐπιβῆτον scholiastes transitivam tribuit potestatem, idque nostris etiam hominibus quum aliis tum Battmanno persuasit. Vid. huius Gr. gr. ampliss. T. II. p. 87. ed. I. At quid induxit eum, ut »planissimam illam vocem« sic interpretaretur? Quid vero illos, ut de genere masculino eandem vocem acciperent, licet ita ἀσύνδετον fieri orationem intelligerent? Videlicet quod audacius videbatur bonis hominibus, Insolentiam dici ad summum fastigium evectam in praeceps deferri; hinc alii tyrannum, quum verticem escendisset, decidere, alii Insolentiam eum evehere evectumque deturbare dici opinati sunt. Atque ex hac, credo, interpretandi ratione, non ex antiqua aliqua lectione, originem traxit illa Par. codicis scriptura εἰσαναβιβᾶσας. — Quartum denique scholion nihil est, si quid video, nisi altera secundi scholii pars. Certe eandem ei lectionem εἰσαναβᾶς subiectam esse ex relato ad subiectum verbi ὥρουσεν pronomine masculino αὐτὸν apparet.

Haec si recte a me disputata sunt, certum est iam scholiastarum aetatibus in libris fuisse ΕΙΣΑΝΑΒΑΣ, incertum autem, nom etiam εἰσαναβιβᾶσας vel εἰσαναβᾶσας. Sed sit quamvis certum, fuerit ista in scholiastarum libris scripturae discrepantia, nunquam tamen persuaderi mihi patiar, a poeta illud εἰσαναβᾶσας profectum esse. Nam primum

quod ad totam sententiam attinet, ea parum scite expressa est, si Insolentia, postquam per metaphoram, quasi tyranni vice fungens, πολλῶν ὑπερπλησθῆναι dicta est, mox metaphora deserta, dum εἰσαναβάσασα vocatur, rursus discernitur a tyranno, tum, quod peius etiam est, denuo tyranni personam induens e vertice decidere dicitur; id enim ὄρουσαι significat, non delicere. Ad verborum autem constructionem durum est sic absolute positum sine obiecti significatione participium εἰσαναβάσασα, quod ita demum tolerari posset, si principale quoque verbum ὤρουσεν esset transitivum; soloecum vero ἀκρότατον εἰσαναβάσασα, quum Graecum sit aut ἀκρότατον ἀναβάσασα, aut ἀκρότατον εἰσαναβάσασα ὄρος vel simile quid; sine substantivo enim adverbialis est accusativus ἀκρότατον, non localis, quem necessario sibi flagitat praepositio εἰς. Numeri denique, quorum gratia haec coniectura facta est, ne ipsi quidem nihil habent offensionis. Nam quum respondere inter se debeant versus

stroph. ὑψίποδες οὐρανίαν δι'
αἰθέρα τεκνωθέντες, ὧν Ὀλυμπός,
antistr. ἀκρότατον εἰσαναβάσασ',
ἀπότομον ὤρουσεν εἰς ἀνάγκαν,

dispicet praepositio δι' in fine versus posita, ubi absolutam esse numerorum perpetuitatem anacrusis excipiens syllabam ancipitem indicat. Mirer, si istiusmodi exemplum alterum e tragicis poetis afferri possit.

Itaque quum numeri, quum oratio, quum sententia minime ea sint, quae quis possit Sophocle digna habere, prorsus recedendum ab hac emendandi via et ad illam, qua antea critici medelam loco afferre tentabant, redeundum existimo. Intellexerat Musgravius desiderari substantivum, cui adiectivum ἀκρότατον adhaerescere posset. Huic assensi sunt Erfurdus, Dindorfus, Wunderus et olim Hermannus, qui fortasse scripsisse poetam εἰσαναβάσα πρῶν coniecerat, quam coniecturam ab Erfurdio non improbatam ipse postea retractavit. Mihi genuinum videtur

ἀκρότατον εἰσαναβάσ'
αἶπος ἀπότομον, ὤρουσεν εἰς ἀνάγκαν.

Horum versuum posterior est trimeter iambicus catalecticis, cui aequalis est strophicus

δι' αἰθέρα τεκνωθέντες, ὧν Ὀλυμπος.

Vocabulum αἶπος et apprimè convenit sententiae, quae locum praeruptum (ἀκρόρειαν vocat scholiastes) significari postulet, et facillime excidere potuit ante ἀπότομον, praesertim si in hac voce litera α productiore

lineola finali sic exarata erat, ut diphthongo *αι* similis fieret, hoc fere modo *αἰπος αἰποτομον*. Vid. Bast. Comm. Palaeogr. p. 704. seq. Sic confusa sunt a librariis *αἶπος* et *ἄπος* apud Euripidem in Phoen. v. 852.

Oedip. R. v. 892. seq. et 906. seq.

Stroph. *Τίς ἐτι ποτ' ἐν τοῖσδ' ἀνὴρ θνυμῷ βέλη*

ἔρξεται ψυχᾷς ἀμύνειν;

Antistr. *φθίνοντα γὰρ λαὶον παλαιὰ*

θέσφατ' ἐξακουῶσιν ἥδη.

In emendando hoc loco aperte mendoso tota via illos errare existimo, qui ita verba mutanda putant, ut hoc dicat chorus: quis amplius, qui talia facit, deorum tela a vita sua arcere poterit? Quae sententia mihi quidem ab hoc loco alienissima videtur. Interroget istud, qui detertere vult impios, ne nimium confisi viribus suis deorum contemnant vindictam; at qui, sicut hoc loco chorus, non metuit poenas improborum, sed exoptat (*κακίᾳ νιν ἔλοιτο μοῖρα*, ait chorus v. 887.), qui veretur, ne, si imposita discesserit impietas, omnis tollatur deorum cultus ac reverentia (*εἰ γὰρ αἱ τοιαῖδε πράξεις τίμιαί, τί δέῃ με χορεύειν*; v. 895.), eum, ubi de arcendis poenis divinis quaerit, potius tale quid decet quaerere: quis tandem amplius in his rebus (i. e. ubi impune contemnuntur divina) pensi quidquam habebit deorum tela, ut supplicationibus a vita sua avertat? Quae sententia Graece sic exprimi potest:

τίς ἐτι ποτ' ἐν τοῖσδ' ἀνὴρ θνυμῷ βαλεῖ

θεῶν βέλη ψυχᾷς ἀμύνειν;

Atque fortasse haec ipsius sunt poetae verba. Potuit certe fieri, ut, quum literarum figura similia sint *θνυμῷ βαλεῖ* et *θεῶν βέλη*, proclivi oculorum errore a librariis omitterentur verba *βαλεῖ θεῶν*, iisque omissis sententiae explendae causa ab interprete repeteretur e v. 890. *ἔρξεται*. Atque *ἔρξεται* eliciendum esse scribendumque *θεῶν βέλη* iam Hermannus vidit. Dictio *θνυμῷ βαλεῖν* usurpata est ab Aeschilo in Prom. v. 708. *τοὺς ἐμοὺς λόγους θνυμῷ βύλλε*, nec dissimile est, quod in hac ipsa fabula infra v. 975. dictum exstat: *μὴ νῦν ἐτ' αἰτῶν μηδὲν ἐς θνυμὸν βύλλης*.

Admissa hac emendatione versus antistrophici sic corrigendi erant:

φθίνοντα γὰρ Λαῖον παλαίφρατα
 θέσφατ' ἐξαιροῦσιν ἤδη.

Παλαίφρατα θέσφατα Homeri dictio est: Odyss. ι, 507. ν, 172. In brevi prima vocis παλαίφρατα syllaba, quae ultima est epitriti, ante creticum nulla est offensus. Vid. Herm. de metror. quor. mens. p. 8. sive Opusc. Vol. II. p. 111.

Oedip. R. v. 1086 — 1090. et 1098 — 1102.

Stroph. *Ἐίπερ ἐγὼ μάντις εἰμὶ*
καὶ κατὰ γνώμην ἰδρὶς, οὐ τὸν Ὀλυμπον ἀπείρων,
ὦ Κῖθαιρῶν, οὐκ ἔσει τὰν αὔριον
πανσέληνον etc.

Antistr. *Τίς σε, τέκνον, τίς σ' ἔτικτε;*
τῶν μακραιώνων ἄρα Πανὸς ὄρεσσιβάτα
προςπελασθεῖς, ἣ σέ γέ τις θιγάτηρ
Λοξίου; etc.

Non una macula hic locus contaminatus est. Iam statim in initio strophae mirifice languent verba κατὰ γνώμην, sive ex animi sententia interpreteris, sive quod attinet ad mentem. Sant qui praepositionem κατὰ ab interprete ortam putent. Id si verum est, expulsa praepositione vix puto aptius lacunam suppleri posse, quam hoc modo:

καὶ σοφῶν γνωμῶν ἰδρὶς,

quod eadem sententia dictum est, qua illud, quod Hermannus ex Electra confert (v. 472.): *εἰ μὴ γὰρ παράφρων μάντις ἔφην καὶ γνώμης λειπομένη σοφῶς*, eodemque loquendi genere, quo haec: *Electr. v. 608. τῶνδε τῶν ἔργων ἰδρὶς* (intellige ἀναιδείας, στομαργίας, κακίας). *Antig. v. 301. παντὸς ἔργου δυσσέβειαν εἰδέναί.* v. 1250. *γνώμης γὰρ οὐκ ἄπειρος.* *Trach. v. 582. κακὸς δὲ τόλμης μὴτ' ἐπισταίμην ἐγὼ μὴτ' ἐκμάθοιμι.* Verum quamvis apta sit ita conformata oratio, non tamen eiusmodi est, quae facile sit corruptioni obnoxia.

Proclivior erat librariorum error, si sic scripserat Sophocles:

καὶ καλῶν γνωμῶν ἰδρὶς,

ut hoc diceret chorus: ego si vates sum et bonis honestisque sensibus imbutus, i. e. si et vates sum et beneficiorum memor (*εἰ μὴ κακὸς πέφυκα*. Philoct. v. 558.). Quae sententia licet ab hoc loco, ubi chorus se erastino die Cithaeronem montem, ut Oedipodis genitorem, laudibus saltationibusque celebraturum vaticinatur, non omnino aliena videatur, habet tamen nescio quid inutile atque importunum ista grati animi praedicatio, praesertim quum ornaendae tantum orationis causa celebrationis illius mentio iniiciatur.

Quae quum ita sint, hac via ad verum perveniri posse mihi quidem prorsus desperandum videtur. Quid autem, si rarius aliquod vocabulum a κατὰ compositum librarios fefellit, ut nomen a praepositione, mutata terminatione, divellerent? Fac Sophoclis aetate in usu fuisse nomen aliquod substantivum καταγνώμων, ex verbo καταγιγνώσκειν, accurate cognoscere vel iudicare (Xen. Oec. 2, 1. 18. Aesch. Eum. v. 643. Antiph. VI, 3.) eodem modo derivatum, quo γνώμων ex γιγνώσκειν, non video, quid reprehendi possit in hac oratione:

καὶ καταγνώμων ἴδρις,

et callidus rerum aestimator. Certe nomen simplex γνώμων in re simili usurpatum est ab Aeschilo in Agam. v. 1101. Θεσφάτων γνώμων ἄρκος, et a Thucydide I, 138. τῶν παραχερῆμα κράτιστος γνώμων.

Quae sequuntur verba οὐ τὸν Ὀλυμπον — αὐρίον, numeris antistrophicis non concinunt. Quaerenti de sede vitii in stropha nihil, quod non recte apteque dictum videatur, occurrit *), in antistropha autem non exiguae corruptelae suspicionem movet inepta vocis θυγάτηρ collocatio. Nam quum ordo verborum debeat hic esse: τίς σ' ἔτικτε; τῶν μακραιώνων ἄρα θυγάτηρ τις, προσπελασθεῖσα Πανὸς ἢ Λοξίου; apparet vocem utriusque membro communem θυγάτηρ non recte collocatam esse post ἢ σέ γε, quo loco id potius collocandum erat, quod priori membro esset oppositum.

*) G. Wolffus de scholl. Laurent. p. 91. scholio οὐκ ἔσθ' εἰς τὴν αὐρίον ἀπείρατος confirmari putat Hermannī, quam olim fecit, emendationem: οὐκ ἔσει αὐρίον ἐς πανσέληνον. Nam minime esse credibile scholiastam usitatissimo accusativo temporis praepositionem εἰς adiditum fuisse, nisi eam legisset. Fugerat virum doctissimum, quum ista scribebat, Pollucis locus I, 66. φιλοτιμότερον (i. e. elegantius) προστιθέναι τὴν εἰς πρόθεσιν ταῖς ἐπιούσαις ἡμέραις, οἶον εἰς αὐρίον, εἰς τὴν ἐπιούσαν, καὶ εἰς ἡμέραν γ'.

Quare Wundero assentior verba *τις θυνάτηρ* pro corruptis habenti, dissensior autem, quod ea ex interpretamento orta putat. Non animadverterat vir doctissimus in ipsa librorum scriptura latere vocem et sententiæ et metris strophæ accommodatissimam *εὐνάτειρα*, quæ vox negligentius scripta facile potuit *θυνάτηρ* legi, praesertim si in fine litera α, attrito forte vel eroso chartae margine, evanuerat. Certe saepe confusae inveniuntur literae ε et θ, ν et γ (vid. Bast. Comm. Palaeogr. p. 714. 710.), nec multum inter se differunt εἰ et η. Finge sic scriptam vocem a librario inventam esse: *GYNAΘHP*, vel minusculis literis *ευγατηρ*, non miraberis eum *θυνάτηρ* legisse, vix enim diseernas, utrum sic an *ευνατειρ* legendum sit. Itaque poetae restituendum censeo

προςπελασθεῖς, ἢ σέ γ' εὐνάτειρά τις

Λοξίον.

Pronomen *τις*, quum post *εὐνάτειρα* simul cum litera α periisset, a librariis ante *θυνάτηρ* insertum videtur; abest certe a codd. Laur. a. et Flor. Δ.

Idem pronomen in exitu versus praecedentis eadem illa labe, opinor, abreptum, qua mutilatum *εὐνάτειρά τις*, coniectura restituit Hermannus. Quo facto numeri recte procedunt: *τῶν μακραιῶνων ἄρα Πανὸς ὄρεσι-βάντα τις*. In sententia residet aliquid vitii. De Nymphis sermonem esse apertum est. Quae licet recte *μακραιῶνες*, id est longaevae seu diu viuentes, appellentur, utpote *Ἰσοδένδρον τέκνωρ αἰῶνος λαχοῦσαι* (Pindar. ap. Plutarch. de Oracc. def. cap. XI.), tamen non satis definite hac appellatione designantur, ut substantivi adiectione istud adiectivum videatur carere posse. Quamobrem nondum satisfactum fore sententiae puto, si quis *τῶν μακραιῶνων* pro *τῶν μακραιῶνων* reponi velit. Necessario enim nomen aliquod Nympharum requiritur, quocum coniungatur adiectivum *μακραιῶνων*. Eodem etiam scholiastes ducit, adnotans ad v. 1086.: *ὑπονοοῦσιν οἱ κατὰ τὸν χορὸν χρηστότερόν τι περὶ τοῦ Οἰδίποδος, ὅτι θειοτέρου γένους τυγχάνει ἀπὸ τινος τῶν ὀρέων νυμφῶν*. Unde suspiceris eum *Ὁρειβατίδων τις* vel *Ὁρεστιάδων τις* legisse, ut huiusmodi quid scripserit Sophocles:

τίς σε, τέκνον, τίς σ' ἔτικτε;

τῶν μακραιῶνων ἄρα Πανὸς Ὁρεστιάδων τις

προςπελασθεῖς, ἢ σέ γ' εὐνάτειρά τις

Λοξίον

id est: quis te, fili, quis te genuit? Longaevarum certe Ore-

adum una, cum Pane congressa; an te coniux aliqua Loxiae? Articuli forma τῶν servari potest cum feminino nomine coniuncta; cf. Oed. Col. v. 718. τῶν ἐκατομπτόδων Νηρηίδων ἀκόλουθος. Particula ἄρα coniicientis est, ut saepe. In formula HomERICA ἧ σέ γε iniuria offendisse Wunderum, quum simile sit οὐδὲ σέ γε in Philoct. v. 1117., iam ab aliis est monitum.

Oedip. R. v. 1280. seq.

Τάδ' ἐκ δυοῖν ἔρδωγεν, οὐ μόνον, κακία,
ἀλλ' ἀνδρὶ καὶ γυναικὶ συμμιγῇ κακία.

Nec geminatum κακία neque absolute positum μόνον tolerari posse ab interpretibus plerisque omnibus intellectum est. Quod Porsonus reponendum censuit οὐχ ἑνὸς μόνου, et per se languet, et ita absolvit sententiam, ut inutilem faciat versum sequentem. Idem cadit in coniecturas κείνου μόνον et τούτου μόνον. Requiritur tale vocabulum, quod praeparet eam, quae sequitur, sententiam. Eiusmodi est, quod ingeniose invenit Hermannus, οὐ μονοζυγῇ, hoc uno nomine reprehendendum, quod difficilis est ab ea scriptura in vulgatam transitus. Magis corruptioni obnoxia erat haec verborum comprehensio:

τάδ' ἐκ δυοῖν ἔρδωγεν, οὐκ ἀνδρὸς μόνου,
ἀλλ' ἀνδρὶ καὶ γυναικὶ συμμιγῇ κακία.

Facile enim fieri potuit, ut ἀνδρὸς per compendium scriptum a librariis omitteretur, praesertim quum paullo post idem repetitum invenirent nomen ἀνδρὶ, tum autem suppleretur versus adiecta voce κακία. Eodem fere modo apud Euripidem in Phoen. v. 1597., quum in plerisque libris legatur ὃν καὶ πρὶν εἰς φῶς μητρὸς ἐκ γονῆς μολεῖν, vox μητρὸς excidit e quinque codicibus, quorum duo ad lacunam versus sarcendam in fine addunt ἐτι. Vid. Klotz. ad l. c. Quod ad sententiam attinet, id agere videtur poeta, ut postquam Iocastae et Oedipodis calamitates nuncius exposuit, nunc moneantur auditores, quum solus Oedipus videatur noxius esse, communi cum marito interitu innocentem uxorem abreptam esse. »Saepe enim Diespiter neglectus incesto addidit integrum«. (Horat. Od. III, 2, 30.). Idcirco distinguit maritum ab uxore nuncius dicens: οὐκ

ἀνδρὸς μόνου. De repetitione nominis totaque orationis compositione cl. Philoct. v. 554. seqq.: ἃ τοῖσιν Ἀργείοισιν ἀμφὶ σοῦ νέα βουλευμάτ' ἐστί· καὶ μόνον βουλευματα, ἀλλ' ἔργα δρώμεν, οὐδέτ' ἐξαργούμενα.

Oedip. R. v. 1349 — 1353.

Ὅλοιθ' ὅστις ἦν, ὃς ἀπ' ἀγρίας πέδας
νομάδος ἐπιποδίας ἔλυσεν ἀπὸ τε φόνου
ἔρηντο κἀνέσωσεν, οὐδὲν ἐς χάριν πράσσω.

Numerorum vitium, quod est in primo horum versuum, eiecta prae-positione ἀπὸ sanavit Triclinius, quem plerique novissimorum editorum secuti sunt, ex interpretatione, ut videtur, praepositionem existimantes intrusam esse. Potest sane ita factum esse, potest vero etiam ita, ut, quum antiquum esset μ' ἀγρίας, id negligentius sic scriptum ἀγρίας a librariis

solito prae-positionis ἀπὸ compendio ^π α in errorem inductis ἀπ' ἀγρίας legeretur, pronomen autem μ' hoc casu expulsum loco minus apto in sequenti versu insereretur. Hinc mira illa scripturae discrepantia, et incerta in libris pronominis sedes, aliis ἔλυσέ μ', aliis ἔλυσ' ἔμ', aliis μ' ἔλυσ', aliis denique et plerisque quidem omisso pronomine ἔλυσεν exhibentibus. Alio pertinet scriptura ἔλαβέ μ', de qua paullo post accuratius dicam. Restituito igitur pronomine, et verbo ἔλυσεν, quod nulli usitatorum numerorum generi accommodatum est, in ἔλυσ' mutato, hi existunt versus:

Ὅλοιθ' ὅστις ἦν, ὃς μ' ἀγρίας πέδας
νομάδος ἐπιποδίας ἔλυσ' ἀπὸ τε φόνου etc.

Sententia bona, boni numeri neque abhorrentes a stropha, ut quidem probabiliter restituta est ab Hermanno:

Ἀπόλλων τάδ' ἦν, Ἀπόλλων, φίλοι,
ὃ κακὰ τάδ' ἐμὰ τελῶν, κακὰ τάδ' ἐμὰ πάθεα.

Nihilominus tamen dubitationem movet longa verbi ἔλυσ' syllaba, quum in stropha haec arsis soluta sit neque temere videatur in hoc melicorum iamborum genere arsium solutio aut admitti aut negligi posse. Huc accedit antiquioris scripturae indicium codicis optimi Laur. a. et scholiastae

lectio *ἐλαβέ μ'*: Indicium antiquae scripturae dixi; nam si ipsam hanc scripturam pro antiqua habeamus, necessario, quoniam absurdum est *πέδας ἐλαβέ με*, quod esset vinculis meprehendit, servata praepositione *ἀπὸ* cum Hermanno scribendum erit: *ὅλοιθ' ὅστις, ὃς μ' ἀπ' ἀγρίως πέδας* — *ἐλαβεν*. Verum hic ellipticus pronominis *ὅστις* usus, vel sic satus rarus, ante alterum relativum *ὃς* durior est, quam qui sine veterum exemplo poetae obtrudi possit. Quid quod ne sic quidem nihil insolentiae in constructione verborum relinquitur. Quis enim unquam tale quidquam dixit, quale hoc est *ἀπὸ πέδας λαβεῖν τινα*? Sed sinamus hoc, multa enim insolenter dicta apud tragicos inveniuntur, atque intelligi saltem possunt ista. Sensus enim non potest alius esse nisi hic: qui e vinculis me solum accepit, id est sustulit et asportavit secum, ut recte Hermannus interpretatur, idque re vera fecerat servus ille, qui puerum expositum a morte servavit. Hoc dubito, satissime apta sit eius rei commemoratio, ubi non in narranda re gesta versatur Oedipus, sed male precatur homini, qui id, quod alii in summi beneficii parte numerarent, sibi praestiterit, ut ab acerrimis doloribus crudelissimaque nece sese eriperet. Frigidius certe locutus esset, si vinculorum saevorum illorum mordentiumque spiculorum mentionem faciens non id verbis expressisset, in quo summa rei versatur, solutionem, sed id commemorasset, quod levioris in hac re momenti est, assumptionem.

Itaque si pro antiqua scriptura *ἐλαβέ μ'* haberi nequaquam potest, quaeritur, unde originem duxerit. Ab interprete verbum *ἐλαβεν* additum esse, ut Wunderus suspicatur, nullo modo credibile est; quis enim interpretes verbum tam procul a via cogitationeque remotum pro interpretatione posuisset? Relinquitur, ut librariorum errore natum existimetur, et tali quidem ex verbo, quod et tribrachyn efficeret et solvendi significationem haberet, cuiusmodi est *ἐχάλασ'*, proprium illud de relaxandis aut solvendis vinculis stringentibus: cf. Aeschyl. Prom. v. 176. *πρὶν ἂν ἐξ ἀγρίων δεσμῶν χαλάσῃ (με)*. ib. v. 993. *πρὶν ἂν χαλασθῇ δεσμὰ λυμαντήρια*. Soph. Oed. R. v. 1266. *χαλᾷ κρεμαστὴν ἀρτάνην*. Xenoph. de re equ. 5, 4. *χαλᾶν τὰ δεσμά*. In quo verbo, opinor, quum litera *χ* negligentius ita scripta esset, ut facile cum *λ* confundi posset (vid. Bast. Comm. Palaeogr. p. 724.) vocem *ἐλάλασ'* lectam librarii alii in *ἐλαβε* mutaverunt confusis literis *σ* et *β* (de qua confusione vid. Herm. ad Soph. Ant. v. 1194. et Schaefer. in Wexii Syllog. ad eundem locum), alii in

ἔλυσε, nisi haec est scripturae ἔλαβε interpretatio. Itaque locum sic emendandum censeo :

Ὅλοιθ' ὅστις ἦν, ὃς μὲν ἀγρίας πέδας
νομάδος ἐπιποδίας ἐχάλασ' ἀπὸ τε φόνον
ἔρυστο κἀνέσωσεν, οὐδὲν ἐς χάριν πράσσω.

Adiectivum νομάδος recte scholiastes interpretatur τῆς διανεμομένης τοῦς πόδας μου. Nihil enim aliud est νομάς, nisi aut pascens aut oberrans. Quare non video, quomodo probari possit altera explicatio, quam proponit glossa: ἀπὸ ἀπηγούς δεσμοῦ ἐν νομαδιαίοις τόποις συνέχοντος τοῦς πόδας. Accedit, quod pascuorum in hac re commemoratio ut sedato rerum narratori conveniat, ita a concitato execrantis animo aliena est. Eadem de causa eos errare indico, qui aut νομάδ' ex coniectura reponunt, ut Oedipus in pascuis expositus intelligatur, aut νομάς de pastore, qui puerum expositum e vinculis solvit.

· Oedip. R. v. 1463 — 1465.

Αἶν οὐποθ' ἡμῇ χωρὶς ἐστάθη βορᾶς
τράπει' ἄνευ τοῦδ' ἀνδρός, ἀλλ' ὅσων ἐγὼ
ψαύοιμι, πάντων τῶνδ' αἰεὶ μετειχέτην.

Quomodocunque haec verba construis, magnopere impedit intellectum vox ἡμῇ. Nam quibus coenaturis seorsum a patre apponitur mensa, iis patris mensam apponi absurdum est dicere. Quapropter ego cum Neuo et Wundero corruptam eam vocem existimo. In promptu est emendatio :

αἶν οὐποτ' ἄλλη χωρὶς ἐστάθη etc.

Patet origo corruptionis: vocem ΑΛΛΗ solemnī fere literarum M et ΑΑ confusione AMH lectam librarii in ἡμῇ mutaverunt aspirata ea, quae praecedit, tenui. Sententia verborumque constructio haec est: quibus nunquam alia seorsum posita est mensa cibaria sine hoc viro, id est sine me. In pleonasmo ἄλλη χωρὶς ἄνευ τοῦδ' ἀνδρός nemo offendet. Vid. Wunder. Advers. in Philoct. p. 52. et eiusdem adnotationes ad Oed. Col. v. 782. seq. et Ant. v. 397. seq.

Oedip. Col. v. 1115 — 1118.

ΟΙΔΙΠΟΥΣ. Καί μοι τὰ πραχθέντ' εἴπαθ' ὡς βράχιστ', ἐπεὶ
ταῖς τηλικαῖσδε σμικρὸς ἔξαρχεῖ λόγος.

ANTIGONH. ὁδ' ἔσθ' ὁ σώσας τοῦδε χρὴ κλύειν, πάτερ,
καὶ σοὶ τε τοῦργον τοῦμὸν ἔσται βραχύ.

Postremum horum versuum, quem vitiatum ostendit et syllabae unius defectus et copula nihil copulans *ἐξ*, variis modis critici tam veteres quam recentiores emendare studuerunt. Quorum conamenta quum ple-
raque ipsa per se refellantur, nihil attinet hoc loco singula recensere. Sola, quae memoretur, digna est nitidissima Hermannii emendatio:

καὶ σοὶ τε τοῦργον τοῦτ' ἐμοὶ τ' ἔσται βραχύ.

Quae si non omnibus arrisit, qui postea hanc fabulam ediderunt, id puto displicuisse, quod ita periit pronomen, quo aegre caremus, *τοῦμὸν*. Etenim quum Oedipus filias iubeat rem gestam sibi enarrare quam brevis-
sime, quemadmodum tantillas virgines deceat, apertum est Antigonom ei debere in hanc fere respondere sententiam: hic est servator, hunc te oportet audire, pater, et tibi hoc *meum* negotium brevi confectum est, non sic nude hoc negotium, quod vereor ne audito-
res non de ea, quae ad Antigonom pertinebat, muneris parte, sed uni-
verse de narrandis sive ab Antigona sive a Theseo rebus et audiendis
iisdem ab Oedipode accipere debeant, haerentes quidem ac mirabundi,
cur id negotii Antigona patri brevius evasurum dicat, si Theseum nar-
rantem audiat, quam si ipsam. Quare si genuinum est *σοί*, necessario
etiam *τοῦμὸν* servandum erit, idque videor mihi intelligere hac emenda-
tione fieri posse:

καὶ σοὶ τὸδ' ἔργον τοῦμὸν ἡνυσταὶ βραχύ.

Vulgata *ἔσται*, si quid video, aut e glossemate *ἡνυσμένον* vel *εἰργασμέ-
νον ἔσται*, aut ex depravata forte scriptura *ἡνυσταὶ* orta est.

Oedip. Col. v. 1697 — 1699.

Πόθος καὶ κακῶν αἶψ' ἦν τις.

καὶ γὰρ ὁ μηδαμᾶ δὴ τὸ φίλον, φίλον

ὅπως γε καὶ τὸν ἐν χεροῖν κατεῖχον.

Vehementer turbant orationem voces *καὶ τόν*. Interpretes plerique

Hermannum sequuntur, qui in utraque sua editione ad v. 1699. haec adnotavit:

»Vat. omittit γε. Ingeniose Reisigius, ὅτ' ἦν γε, καὶ τὸν ἐν χειρὶν κατεῖχον. Librorum scriptura, quae impedita visa est Elmsleio, defendi potest, si meminerimus, aliud esse ὅποτε, quod infinitum est; aliud ὅτε, quod finitum. Ex quo patet non posse sensum esse, quum illum in manibus habebam, quod dicendum fuisset ὅτε, sed, quia ὅποτε dictum est, rationem reddi praecedentiam. Atque ita etiam καὶ quid sibi velit intelligi potest. Hoc enim dicit Antigona: ergo etiam malorum aliquod desiderium est: nam etiam quod minime id erat, quod gratum esset, gratum est, quandoquidem etiam illum manibus fovebam: i. e. quandoquidem etiam virum caecum et malis pene oppressum sedulo curabam.«

Vellem explicatius dixisset vir summus, quomodo ista Antigonae dicta inter se cohaerere existimaret. Illud quidem docuit, extremis verbis rationem reddi praecedentium. Praecedunt: »nam etiam quod minime id erat, quod gratum esset, gratum est.« Patet hoc gratum est non univ-erse eum intelligi velle, ut sit: gratum est hominibus, sed de sola Antigona, ut sit: nunc mihi gratum est. Alioquin, ut ratio sibi constaret, dicendum erat: potest gratum esse. Nam quod Antigona suscepit molestam viri caeci curationem, ex eo non sequitur, ut sint gratae hominibus molestiae, sed ut possint gratae esse. Itaque Hermannus hoc videtur ab Antigona dictum putare: cur nunc sibi grata sit, quae antea ingrata erat ac molesta, patris cura, hanc esse causam, quod etiam virum caecum et malis pene oppressum sedulo curaverit. Quod qua ratione efficiatur, equidem non perspicio, nisi hac, quod grata est recte factorum conscientia. Ita vero tollitur coniunctio, qua haec verba cohaerent cum sententia primaria: ergo etiam malorum aliquod desiderium est. Non enim propterea, quod grata est molestiarum laudabiliter susceptarum recordatio, continuo etiam desideramus eas, nisi ipsis immixtum sit aliquid, quod dulcedine sua capiat animum atque deleniat. Non ergo hanc puto Hermanni sententiam esse, quamquam, quae tandem possit alia esse, neque mihi contigit perspicere, neque amicorum cuiquam, quibuscum de ea re communicavi. Itaque ego etiam nunc desperans defendi posse librorum scripturam, non καὶ τὸν sed καὶ τὸν a poeta scriptum fuisse suspicor. Ita certe optime procedit oratio: Ergo etiam malorum aliquod desiderium est: nam etiam id, quod

minime id erat, quod iucundum esset, iucundum mihi erat, quandoquidem (non solum illud, quod per se minime iucundum erat, molestam patris curam, sed) etiam ipsum in manibus habebam.

Oedip. Col. v. 1709 — 1714.

Ἄνα γὰρ ὄμμα σε τόδ', ὦ πάτερ, ἐμὸν
 στένει δακρυῶν, οὐδ' ἔχω,
 πῶς με χρὴ τὸ σὸν τάλαιναν
 ἀφανίσαι τοσόνδ' ἄχος. ἰὼ
 μὴ γὰρ ἐπὶ ξένας θανεῖν ἐχρηζες, ἀλλ'
 ἐρῆμος ἔθανες ὠδὲ μοι.

Versus 1712. duobus vocabulis τοσόνδ' et ἰὼ pugnat cum numeris strophici πῶς γὰρ ἢ τιν' ἀπίαν γᾶν. Et ἰὼ quidem certatim emendare conati sunt viri docti, in quibus Hermannus bene correxit τῷ, in τοσόνδ' autem reliquerunt syllabam longam, praeter Reisigium, qui τὸ σὸν reposuit. Illi igitur productam a Sophocle putabant primam in ἀπίαν. Unde vero productam, quam et usus Homeri et ipsius origo vocabuli corripi inberent? Scilicet, quo acceptior existeret Atticis auribus mensura, ut ait Buttmannus in Lexilog. T. I. p. 69. At quid tandem insit in altera mensura, quare non aequae accepta fuerit Atticis, equidem non perspicio, et eo minus etiam, quo gratiores haec aptioresque concitato Antigoniae animo efficit numeros, versibus quidem sic descriptis, ut dimetrum creticum et dochmium duo excipiant dimetri iambici:

πῶς γὰρ ἢ τιν' ἀπίαν
 γᾶν ἢ πόντιον
 κλύδων' ἀλώμεναι βίον
 δύσοιστον ἔσομεν τροφάν;

Quibus numeris ut accommodetur antistropha, leni hac mutatione opus est:

ἀφανίσαι τόσον ἄχος.
 τῷ μὴ γὰρ ἐπὶ
 ξένας θανεῖν ἐχρηζες, ἀλλ'
 ἐρῆμος ἔθανες ὠδὲ μοι.

Sed numeris restitutis nondum persanatum esse locum, tam orationis

insolentia quam sententiae perversitas ostendit. Insolens est enim neque ullo certae auctoritatis exemplo munitum *μη̃ ξερεῖς* pro *εἶθε μη̃ ξερεῖς*. Perversa autem sententia: utinam ne in peregrina terra cupivisses mori, sed ita desertus mihi mortuus es. Quomodo enim optare potest Antigona, quam deplorare debebat, patri in morte solitudinem? quomodo porro negare, quod omnes sciebant factum esse, eum in Attica seorsum a suis obiisse? aut quid tandem sibi vult mira ista antithesis: *μη̃ γὰρ ἐπὶ ξένας, ἀλλ' ἔρημος ὠδὲ μοι*? His tenebris qui explicando lucem afferre conatus est, Hermannus, Antigona, dicit, quoniam sentiat tanto minus leniri dolorem suum posse, quod ne tumulus quidem patris sibi relictus sit, optare, ut ille ne quaesivisset hanc apud externos mortem, sed obiisset potius ita desertus ignotusque, ut ante cum ipsa per terras vagus errabat, quo saltem sepelire eum et iusta facere in tumulto posset. At ita poeta, ne quid acerbius dicam, obscurissime locutus esset, si eam, quam intelligi volebat antithesis: *hanc mortem et ita ut ante errabat*, ne verbo quidem indicasset, ea autem, quae posuit, contraria aliter accipi voluisset, quam auditores debebant accipere. Quis enim nulla monitus demonstrandi voce illud *μη̃ γὰρ ἐπὶ ξένας* de sola Attica intelligere potuisset, ut alias ei terras peregrinas, quas antea peragrabat, oppositas cogitaret, et non potius de omni peregrina terra, cui contraria est patria? Quis vocem *ἔρημος* non maluisset de ea Oedipodis solitudine accipere, qua eum nunc ipsum audiebat in Eumenidum luo mortuum esse, quam de illa, qua antea cum sola Antigona terras peragrabat, praesertim quum ne solitudo quidem dicenda sit, qua comitem habebat filiam? Quid quod ne ipsa quidem sententia ea est, quae facile in mentem venire Antigonae potuerit. Nam quum sciret fato constitutum esse, ut pater apud externos singulari quodam mortis genere decederet, doleret autem, quod ita iusta solvere funeri paterno prohibita esset, optare quidam eam consentaneum erat, ut ei communi potius hominum sorte in patria et in gremio suorum obire fatum fuisset; in illam autem opinionem vix poterat adduci, ut eum putaret, si cupivisset, non in Attica sed in alia terra peregrina morituum fuisse, et, si in alia terra mortuus esset, etiam alio mortis genere defuncturum, quo sepeliendi eius sibi esset opportunitas, quasi non fato utrumque definitum esset, sed genus mortis ex loco, locus ex optione atque arbitrio patris pependisset. Absit, ut huiusmodi orationem a poeta et non potius a librariis profectam putemus. Apparet autem corruptelae suspicionem in eas ipsas cadere voces, per quas duo illa membra *μη̃ γὰρ*

ἐπὶ ξένος θανεῖν et ἐρημος ἔθανες ὥδέ μοι inepte inter se copulari vidi-
mus, id est in ἐρηγες, ἀλλ'. Neque illud puto cuiquam posse dubium
videri, quin membra illa non possint commode in unam sententiam con-
iungi, nisi in hanc: quare non in peregrinā terra te mori oport-
tebat, in qua sic desertus mihi mortuus es. Itaque hoc unum
verum existimo:

τῷ μὴ γὰρ ἐπὶ
ξένος θανεῖν ἐχρήν σ', ἐφ' ᾧ γ'
ἐρημος ἔθανες ὥδέ μοι.

Librarios, opinor, in errorem adduxit simul recens memoria ver-
borum ᾧ ἐχρήζε γὰρ ἐπὶ ξένος ἔθανε (v. 1705.), et mutilata forte litera φ
eoque exortam vocabulum, quod nullum est, *EXPHNCEC*, fortasse etiam
male exaratæ vel situ attritæ voces *ACT*.

Philoct. v. 424. seq.

Κεῖνός γε πρᾶσσει νῦν κακῶς, ἐπεὶ θανόν
Ἀντίλοχος ἀντὶ φροῦδος, ὅς περ ἦν γόνος.

Hæc quum Neoptolemus Philoctetæ respondet de Nestoris valetudine
percontanti, absurde eum loqui, si de Antilocho, quem Philoctetes et
Lacedaemone inter procos et Aulide inter belli socios viderat, id, quod
omnes libri habent, diceret ὅς περ ἦν γόνος, iam a Brunckio est animad-
versum. Quas medelas corruptelæ critici attulerunt, breviter recenset
G. Wolffius de scholl. Laur. p. 150. In quibus qui unus optime, quid
conveniat hoc loco a Neoptolemo dictum esse, perspexit, Hermannus
in Retractationibus adnotatorum ad Sophoclis Philoctetam, quas creationi
philosophiæ doctorum a. 1841. scripsit, p. 6.: »Apertum est«, ait, »eius-
modi quid illis verbis significatum esse, quod causam contineret, ob quam
acerbior esset huius filii mors Nestori. Animadverteram hoc, sed, quum
quam minimum ab antiqua scriptura recedere vellem, non posui eam
vocem« (posuerat μένος), »quam a poeta profectam esse verisimile sit.
Nunc scribendum puto ὅς περ ἦν μέλων. Nam, ut seni, opus erat Nestori,
qui eius curam gereret propugnaretque pro eo in proeliis. Id autem
Antilocho potissimum conveniebat, qui et natu maior et fortior fratre

Thrasymede erat. Testatusque est pietatem suam ipsa morte, quum defendens patrem in pugna occubuit.*

Emendatio, quod ad sententiam attinet, bona, modo ne oratio nimis in breve contracta eoque obscura facta esset et ambigua. Debebat saltem addi genitivus *πατρός* vel *αὐτοῦ*, quo, quum minus usitata esset verbi *μελεῖν* significatio activa (dno eius exempla affert Herm. ad Electr. v. 333.), monerentur auditores, ne patri curae fuisse Antilochum dici putarent, sed ut gessisse patris curam intelligerent. Verum ne curae quidem gerendae verbum satis apte delectum est, ubi distingui a Thrasymede Antilochum referebat. Omnium enim liberorum est parentum curam agere. Requiritur potius propugnandi verbum. Idque haud sane procul quaerendum est. Nam quod de Musgravii coniectura a quibusdam repositum est, *παρῆν*, eam ipsam, quam desideramus, vim habebit, si modo apposueris ei nomen, quo patris periculis ac laboribus adfuisse dicatur Antilochus, cuiusmodi nomen in inepto illo *γόνος* latere opinor, *πόνους*. Scribendum igitur:

Κεῖνός γε πρᾶσσει νῦν κακῶς, ἐπεὶ θανάων

Ἀντίλοχος ἀντὶ γροῦδος, ὃς παρῆν πόνους.

id est: ille quidem nunc vivit male, postquam morte ei Antilochus ereptus est, qui aderat laboribus.

Librarii veteres corrupta forte scriptura *ΓΟΝΟΙΣ* decepti, quum filium Nestoris dici Antilochum opinarentur, *ὅς περ ἦν γόνος* scripserunt.

Philoct. v. 713 — 717.

ὦ μέλαι ψυχά,

ὃς μὴδ' οἴλονχόντου πώματος ἤσθη δεκτέει χρόνῳ,

λεύσσων δ' ὅπου γνοίη στατὸν εἰς ὕδωρ

ἄει προσενώμα.

Si genuinum esset, quod in omnibus libris legitur, aquae epitheton *στατόν*, non posset alio consilio a poeta positum esse, nisi hoc, ut tanto miserior videretur Philoctetae sors, si stagnanti aqua per decem annos usus videretur. At tantum abest, ut eo miserabilior spectatoribus facta esset chori oratio, ut a miserandis Philoctetae malis ad ipsius poetae

admirandam socordiam mens eorum advocata esset, qui iam in prologo disertis verbis v. 21. seq. essent edocti, esse fontem aquae perennis non procul ab ipso Philoctetae antro. Neque quidquam ad excusandam istam negligentiam valet, quod a chori conspectu fons ille videtur remotus fuisse, ut intelligi licet et ex Ulyssis verbis v. 21. seq., et ex ipso hoc loco, ubi optativus *γνοίη* chori de fontis situ dubitationem prodit. Neque enim erat, cur ideo stagnanti aqua Philoctetam usum putarent, nisi forte in scena talem repraesentatam credis regionem, qualis fluenti aqua carere videretur, velut paludosam aliquam, vel nudis saxis rigidisque cautibus horrentem. At talis scena si ante oculos fuisset spectatoribus, pene ridicula evasisset Philoctetae oratio v. 1453 — 1463., qua Nymphis pratorum irriguorum fontibusque valedicit. Sed etiamsi vel iustissimam erroris excusationem chorus haberet, non ideo etiam poetae excusanda videretur imprudentia, si chori ignorantia ad permovendos miseratione spectatores abuti voluisset. Nam qui scientibus auditoribus modum excedit in miserando, minuit, quam augere vult, miserationem.

Has difficultates qui intelligeret, Georgius Thudichum interpretando subvenire laboranti sententiae conatus est, vocem *στατὸν* non de stagnanti, sed de apposita in urceo aqua accipi iubens. Quo sensu etiamsi per se *στατὸν ὕδωρ* intelligi possit, quod mihi quidem valde dubium videtur, hoc certe loco ne ita intelligamus, verbis *ἔπου γνοίη* monemur.

Immo, nisi dormitasse hoc loco poetam credis, emendatione opus est. Ac mihi quidem vox *στατὸν* permutatis inter se literis *II* et *CT* (vid. Schaefer. ad Greg. Cor. p. 931. et Herm. ad Soph. Electr. v. 1267.) ex *πάτον* videtur nata esse, ut poeta scripserit

πάτον εἰς ὕδωρ αἰὲ προσενώμα,

hac sententia: iter ad aquam semper dirigebat, quod eadem ratione dictum est, qua supra v. 163. *σίβαν ὀγμεύει*. Qua emendatione simul hoc consecuti sumus, ut verbum natura sua transitivum *προσενώμα* habeat, quo commode referri possit. Nam quod Hermannus *ὕδωρ* repeti iubet, interpretans in ed. II.: »admovebat sibi aquam,« in eo hoc est incommodi, quod et subaudiendus est, quo aegre caremus, dativus *αὐτῷ*, et pervertitur propria verbi *νωμῶν* significatio, qua non simpliciter est movere, sed ratione et numero movere.

Neque tamen ita iam persanatum esse locum existimo. Residet enim scrupulus in verbis *λεύσσω δ' ἔπου γνοίη*. Quae verba si eo sensu interpretamur, quo in hac inter se coniunctione et ultro se offerunt

primum audientibus, et usurpata exstant in Oed. Col. v. 135. ὃν ἐγὼ λεύσσων περὶ πᾶν οὐπω δύναμαι τέμενος γνῶναι ποῦ μοί ποτε ναίει, ut sensus sit: circumspiciens, ubi inveniret aquam, iter ad eam semper dirigebat: apparet inepto id de Philocteta dici, qui annis decem iam pridem debuerit expertus esse, ubi proxima esset aquatio. Itaque Musgravius, quam hic vim haberet λεύσσων se non intelligere fassus, an scribendum esset λάψων, dubitabat. Hermannus in ed. I. — nam in altera nihil de hac re definit — ita haec verba interpretabatur: »intuens in stagnantem aquam, ubi quid eius nosset,* id ut desiderii describendi causa dictum esset, quemadmodum soleremus intueri in illud, unde salutem et praesidium speraremus. Et similiter Wunderus: »Quod intuitus,« ait, »in aquam illam dicitur, ea re aqua illum, sicuti alios vino, delectatum et gavisum esse significatur.« Quae vereor ut satis accommodata dicta sint ad veritatem naturae. Natura enim ita fert, ut tum obtutum in aqua figamus, quum ardenti siti cruciati prohibeamur a potu ante oculos posito. Ut igitur, si Tantali poenas tibi describendas sumseris, recte apteque eum in undam refugam intueri dices, ita inepte Philoctetes diceretur in aquam intueri, ad quam potare volenti semper patebat aditus.

Quae quum ita sint, Musgravius assentior vitio affectam vocem λεύσσων iudicanti, nisi quod male reponi volebat λάψων, quae vox et longius a libris recedit, neque accommodata est conditioni Philoctetae, cui dicatur hydria lignea ad manum esse v. 35. et 292. Propius a vulgata abest meliusque sententiae convenit λευκόν, solemne illud aquae epitheton (Hom. Iliad. ψ, 282. Od. ε, 70. Hesiod. Op. v. 739. Aesch. Suppl. v. 23. Eurip. Helen. v. 1336. ed. Dind. Herc. fur. v. 573. Callim. Iov. v. 19.), quod quam apte a poeta et delectum sit ad aquam vino opponendam, vinum enim μέλαν dicitur Graecis, et in initio sententiae collocatum ad acuendam antithesin, nemo non sentiet. Librarios videtur fefellisse literae x ductus rotundior et nonnihil distans ab eo lineola prior hoc modo IC (vid. Bast. Comm. Palaeogr. p. 720.), quae lineola si vacillante calamo paullum incurvata erat, ipsa nascebatur geminati σ forma CC. Totum igitur locum sic puto restituendum esse:

λευκὸν δ' ὅπου γνοίη πάντων εἰς ὕδωρ

ἀεὶ προσενώμα,

id est: liquidam autem, ubi nosset, iter ad aquam semper dirigebat.

Philoct. v. 757 — 761.

ΝΕΟΠΤΟΛΕΜΟΣ.

Τί δῆτα δράσω;

ΦΙΛΟΚΤΗΤΗΣ.

μή με ταρβήσας προδῶς
ἤκει γὰρ αὐτῇ διὰ χρόνον πλάνοις ἴσως
ὥς ἐξεπλήσθη.

ΝΕΟΠΤΟΛΕΜΟΣ.

ὦ ὦ δύστηνε σύ.

δύστηνε δῆτα διὰ πόνων πάντων φανείς.
βούλει λάβωμαι δῆτα καὶ θίγω τί σου;

Sic libri veteres praeter Γ. et Harl., qui πλάνης pro πλάνοις et semel ὦ habent. Tricliniani: ὥς ἐξεπλήσθη. φεῦ. NE. ὦ δύστηνε σύ.

Locus vexatissimus. In quo quum multi aut interpretando aut emendando plurimum consumserint operae, miror nemini adhuc, quod sciam, in mentem venisse, ut id, quod res ipsa videretur postulare, de re medica medicos veteres consuleret.

Hippocrates de Morbis lib. IV. §. 140. (T. II. p. 351. ed. Kühn. sive sect. V. p. 63, 47. seqq. ed. Foes. Francof. 1595.) his verbis scribit de ulcerum inflammatione: καὶ τὰ ἔλκεα, ἣν μὲν μελεδαίνηται, φλεγμαίνει μάλιστα ἐν ταύτῃσι τῇσιν ἡμέρησιν (i. e. τῇσι περισσῇσι). ἔρχεται γὰρ τὸ ὕγρὸν ἐς ἀπάσας τὰς φλέβας, ὁκότιαν ταράσσεται, καὶ πληροῖ, ἐπὴν ἔλθῃ ἐς τὸ ἔλκος [ἢ νοῦσος]. καὶ ἣν μὲν μελεδαίνηται καὶ ἔχῃ ἔξοδον τὸ πῦος ἐξωθεόμενον ὑπὸ τοῦ ὕγρου τοῦ ἐλθόντος ἐν τῇ ταραχῇ, ἐξω ἀποκαθαίρεται τὸ ἔλκος. ἣν δὲ μὴ μελεδαίνηται, οὐκ ἔχον ἔξοδον τὸ πῦος, αὐτοῦ καταμένον σὺν τῷ κατελθόντι, πόνον παρέχει καὶ αἰερεῖ τὴν σάρκα τὴν περὶ τὸ ἔλκος. καὶ ἀπ' ἐκείνου, κῆν (lege ἦν) μὲν ἐν τοῖς σκέλεσιν ἔχῃ τὸ ἔλκος, αἰερούνται αἱ φλέβες αἱ ἐν τῇσι προσφύσεσι τῶν σκελέων ἐοῦσαι ἣν δὲ ἐν τῇσι χερσίν, αἱ τῶν χειρῶν τῇσι (lege ἐν τῇσι) προσφύσεσι ἐοῦσαι, καὶ ἐκ τούτου βουβῶνες γίνονται. ὁκόσοις δὲ τῶν ἀνδρώπων πῦρ (i. e. aestus) ἐμπύπτῃ, ἄλλο μὴδὲν τοῦ ἀνδρώπου κακὸν ἔχοντος, ἀπὸ πιωτέρας ἐοῦσης τοῦ καιροῦ *) ἐμπύπτει. καὶ πληρεύμεναι αἱ φλέβες πόνον καὶ

*) Excidit, ut videtur, τῆς ἰκμάδος. Interpres: ex pinguiore, quam par sit, humore. Cf. sect. V. p. 62, 7. ἣν δὲ πλησθῶσιν ἰκμάδος αἱ φλέβες, ἀπ' ἐκείνης νοῦσος γίνεται.

θέρμην τῷ ἔλκει παρέχουσι. τὸ δὲ θερμανθὲν καὶ τὸ ἄλλο σῶμα θερμαίνει· καὶ ἡ θερμασίη οὕτως ἐς τὰ ἔλκη γίνεται. θερμαίνεται γὰρ τὸ σῶμα καὶ τὰ ἔλκεια ὑπὸ τῆς κλονήσεως τοῦ ὕγρου, καὶ ἡ τάλαιπωρή τοιοῦτον ἐργάζεται. ἀποφλεγμαίνει δὲ τὰ ἔλκεια πεμπταῖα καὶ κατὰ λόγον τουτέων τῶν ἡμερέων, ὥς ἂν καὶ τὰ ἔλκεια μέγεθος ἔχῃ, καὶ τριταῖα καὶ πεμπταῖα καὶ ἑβδομαῖα καὶ ἑνναταῖα καὶ ἑνδεκαταῖα. εἰτα ἀπρησιμμένης πρώτης περιόδου πάλιν δευτέρας ἀρχῆς τρίτη, ἥτις ἐστὶν ἀπὸ τῆς πρώτης τεσσαρεσκαίδεκάτης. τὰ δὲ μέγιστα αὐτῶν τεσσαρεσκαίδεκαταῖα ἀποφλεγμαίνει.

Docebant igitur medici Graeci ulcera certis temporum intervallis inflammata toti corpori aestum afferre, eiusque inflammationis hanc esse causam, quod venae circa ulcus humore implerentur. Vides eosdem fere ab Hippocrate casus describi, quos in Philoctetae morbo deprehendimus. Neque alia ex re Sophoclem causam eorum casuum repetere eo colligi potest, quod sedari dolores fingit, postquam longo sanguinis profluvio ulcus est expuratum, v. 821 — 825.

His expositis ad nostrum revertimur locum, ubi quum morbus dicatur tempore intermisso redire ὡς ἐξεπλήσθη —, nihil magis in promptu est, quam coniecere excidisse post ἐξεπλήσθη vocem φλέψ. Atque deest sane syllaba in optimis codd. *Γ.* et Harl.; ceteri *ὡ* geminant sine exemplo, quod sciam, in trimetro. Quin etiam ipsius huius vocabuli vestigium aliquod in libris apparet. Unde enim mirum illud φεῦ, quod in libris Triclinianis legitur? Hermannus Triclinii eam correctionem dicit in *Retract.* p. 12. Crederem, si non potius insolens illud *ὡ ὡ* correctorem saperet, eumque satis imperitum. Nunc longe verisimilius pato corruptam ex *ΦΑΕΨ* vocem *ΦΕΥ* a criticis omissam explendique versus causa alterum *ὡ* inculcatum esse.

Hoc igitur sanato versu iam stabili quasi solo insistentes ad praecedentem versum nos convertimus. In quo si post vocem *πλάνοις*, sive mavis *πλάνης*, distinguas, ut sententia sit: redit hic morbi aestus intermisso semper tempore vagus (id est incerto velut febris cuiusdam inordinatae circuitu *)), fortasse ut expleta est vena: apertum est, ntrumque

*) Incredibile est dictu, ad quae commenta interpretes in explicanda voce *πλάνοις* aberraverint. Quae vox si ad morbum Philoctetae referri deberet, utique ex medicorum Graecorum dictione ita esset interpretanda, ut Hermannus praeeunte ego supra exposui. Etenim eae febres, quae incertum habent circuitum, quasque Latini medici

sententiae membrum, quum nihil neque ad confirmandum Neoptolemi metum neque ad removendum afferat (vid. Herm. adnot. in ed. 1.), prorsus otiosum esse atque inutile. Sin sic verba distinxeris, commate ante πλάνοis translato:

vagas appellant (ut Cels. III, 5.), sive incertas (id. II, 1.), sive inordinatas (id. III, 5.), Hippocrati dicuntur πυρετοὶ πλάνητες s. πλανῆται s. πλάνοι. De Morb. vulg. lib. I. sect. VII. p. 17. C. (ed. Foes. Francof. 1593.) ἥδη δὲ φθινοπώρου καὶ ὑπὸ χειμῶνα πυρετοὶ ξυνεχές. καὶ τοῖσι αὐτέων ὀλίγοισι καυσώδεις ἡμερινοί, νυκτερινοί, ἡμιτριταῖοι ἀκριβέες (lege ἡμιτριταῖοι, τριταῖοι ἀκριβέες), τεταρταῖοι, πλάνητες. Ibid. p. 18. D. ἀμφημερινοὶ δὲ καὶ νυκτερινοὶ καὶ πλάνητες πολλοῖσι πολλοί. Ibid. p. 40. G. πλάνητες δὲ πυρετοὶ καὶ τεταρταῖοι καὶ πεμπταῖοι καὶ ἑβδομαῖοι καὶ ἐνναταῖοι ἐν ᾗσι περιόδοις κρίνονται, σκεπτεόν. De Morb. mulier. lib. I. sect. V. p. 158, 5. πυρετοὶ τε ἐπιγίνονται πλανῆται ὀξέες ξὺν φρίκη καὶ ἀσιτίῃ ἄλλοτε καὶ ἄλλοτε. Ib. p. 159, 1. πυρετὸς ἐπιλήφεται πλάνος καὶ ἀσιτήσῃ ἄλλοτε καὶ ἄλλοτε. Περὶ παρθενίων, sect. V. p. 125, 27. ὁκόταν δὲ πληρωθῶσι (sc. αἵματος) ταῦτα τὰ μέρη (i. e. ἡ καρδίη καὶ αἱ φρένες), καὶ φρίκη ξὺν πυρετῷ ἀναίσσει. πλανήτας τοὺς πυρετοὺς καλεῖουσι. Eodem sensu etiam adverbium πεπλανημένως usurpat, ut Coac. Praenott. sect. II. p. 123. B. οἱ δὲ διαλείποντες (sc. πυρετοὶ) καὶ λαμβάνοντες πεπλανημένως φθινοπώρου μάλιστα ἐς τεταρταῖον ἐπιεικέως μεδίστανται. De Morb. vulg. lib. I. sect. VII. p. 19. B. ῥίγητα δὲ πᾶσι μὲν ἀτάκτως καὶ πεπλανημένως ἔγινετο. Ib. p. 58. D. Κλεωνακτίδην - - - πῦρ ἔλαβε πεπλανημένως. - - - οἱ πυρετοὶ παροξυνόμενοι ἄλλοτε ἄλλοιως ἀτάκτως. ἰδρωτές ὅτε μὲν, ὅτε δ' οὐ. - - - περὶ δὲ τριακοστὴν ἔδντι, ἤρξατο ἀπὸ θινῶν αἰμορροῦν ἐξ ἀμφοτέρων καὶ ταῦτα πεπλανημένως. Ib. lib. II. p. 182. F. οἱ δὲ πυρετοὶ τὸ μὲν ὅλον οὐκ ἐπιλείποντες, πεπλανημένως δὲ παροξυνόμενοι, τὰ μὲν, τὰ δ' οὐ. Galenus id febrile genus ἄτακτον nominat de Febr. differentt. lib. II. c. 18., quo eodem nomine etiam Hippocrates utitur in Coac. Praenott. sect. II. p. 104. A. τριταιοφνέα ῥίγητα, ἣν ἐν μέσῳ παροξυνόμενα πυρετῷ ἀτάκτω, πᾶν κακοῖδεα. Specie differt πυρετὸς πλανώδης, id est ad incertae febris naturam accedens tertiana. Coac. Praenott. sect. II. p. 105. G. οἱ τριταιοφνέες πλανώδεις, ἐς ἀργίας μεταπεσόντες, δύσκολοι.

ἤκει γὰρ αὐτῇ διὰ χρόνον, πλάνοις ἴσως
ὥς ἐξεπλήσθη φλέψ. NE. ἰὼ δύστηνε σύ.

vocemque πλάνοις, sicut opus est in hac verborum coniunctione, quoniam in venam non cadunt errores, de ipsius Philoctetae erroribus acceperis, quibus venandi, aquandi, lignandi causa eum circum antrum vagari solere supra audivimus v. 287. seqq.: omnia iam plana erunt ac perspicua, neque quidquam aut in verbis insolens aut ad rem otiosum videbitur. Hoc enim dicit Philoctetes: Ne me exterritus deserito; redit enim hic aestus longis semper intervallis, a vagando fortasse ut expleta est vena. Quod patet ad levandum Neoptolemi timorem dictum esse. Nam si post longum temporis spatium dolores redire solebant, non erat metuendum, ne inter brevem illam ἡμέρας μόχθον οὐχ ὅλης μῆς (v. 480.) redirent, et si multa gestatione pes concussus illos dolores creabat, spes erat, si quies pedi aegroti ministrorum opera concessa esset, fore ut non unquam redirent. Atque animadvertite, quam accommodate ad hoc Philoctetae dictum respondeat Neoptolemus. Qui quum antea universe Philoctetam interrogasset: τί δῆτα δράσω; nunc, ubi ex nimia pedis quassatione repeti causam dolorum audit, paucis commiseratas, sicut decebat, calamitatem eius, iam definitius rogat, operam ei suam ad sublevandum corpus offerens: βοῦλει λάβωμαι δῆτα καὶ θίγω τί σου;

Unum superest, ut Wunderi de hoc loco dubitationibus satis faciam, qui in ed. II. negans verbum ἤκει aliud significare posse, nisi venit i. e. adest, huiusmodi quid suspicatur a poeta scriptum fuisse, ut sensus fere hic esset: adest enim post longum tempus et mox rursus discedet. At neque tale Philoctetae dictum cum Neoptolemi conveniret responso commiserationis, non consolationis, ut expectandum esset, plenissimo, neque istud de verbi ἤκειν vi praeceptum ita ab usu dicendi confirmatur, ut non passim etiam de consuetudine veniendi id verbum usurpatum occurrat. Sic Platoni aperte significat adesse solet in Symp. p. 188. A. ἐπειδὴν μὲν πρὸς ἄλληλα τοῦ κοσμοῦ τύχη ἑρως ἂν νῦν δὴ ἐγὼ ἔλεγον - -, ἤκει φέροντα εὐτελείαν καὶ ὑγίειαν. Et Xenophonti in Oecon. XXI, 3. ὅταν πελαγίζωσι - -, οἱ μὲν ἰδρῶντες - - ἐμβαίνουσαι, οἱ δὲ ἀνιδρωτὶ ἤκουσι.

Philoct. v. 1128 — 1135.

ὦ τόξον φίλον, ὦ φίλων
 χειρῶν ἐκβεβιασμένον,
 1130 ἣ που ἔλεινδ' ὄρεῖς, φρένας εἴ τινας
 ἔχεις, τὸν Ἡράκλειον
 ἄθλιον ὠδέ σοι
 οὐκέτι χρησόμενον τὸ μεθύστερον
 ἔτ', ἀλλ' ἐν μεταλλαγῇ
 1135 πολυμηχάνου ἀνδρὸς ἐρέσσει.

Verba τὸν Ἡράκλειον ἄθλιον vitii aliquid contraxisse ab interpretibus tantum non omnibus intellectum est. Quod Erfurdus in ed. mai. et Hermannus in ed. II. ex coniectura reposuerunt τὸν Ἡράκλειον ἄρθμιον, ita demum probari poterit, si exemplis demonstratum erit, adiectivum ἄρθμιον etiam substantivi fungi posse officio, ut liceat epitheton ei apponere Ἡράκλειον. Mihi proxime a vero abfuisse Musgravius videtur haec adnotans: »Fuit, quum legendum putarem τὸν Ἡρακλεῖ συνάθλιον vel δμάθλιον. Priorem vocem habet Oppianus Cyneg. I, 195. Sed ea lectio hoc incommodi habet, quod Philoctetam Herculis comitem et in laboribus adiutorem faciat, quod nescio an veterum quisquam tradiderit. Nihil enim aliud memorant mythologi, nisi Herculis rogum funebrem, reliquis detrectantibus, ab ipso accensum fuisse. Hygin. fab. XXXVI. Apollod. lib. II, 7. Diodor. Sic. IV, 38.« Offecerat ei Tricliniana scriptura ἄθλιον, quominus id poneret, quod et numeris antistrophae congrueret et ad antiquorum librorum scripturam proxime accederet,

τὸν Ἡρακλεῖ δμάθλιον.

Hercules laborum socium se appellat Philoctetes, ut Ulixis ignaviae suam opponat fortitudinem. De cuius societatis apud veteres memoria quod dubitat Musgravius, id hodie neminem movebit, postquam Erfurdus ex Philostrati Icon. 17. p. 889. haec attulit: *Θεράπων δὲ γενέσθαι τῷ Ἡρακλεῖ ὁ Φιλοκτήτης ἐκ νηπίου, ὅτε καὶ φορεὺς εἶναι οἱ τῶν τόξων, ἃ δὲ καὶ ὕστερον μισθῷ λαβεῖν παρ' αὐτοῦ τῆς εἰς τὴν πύρρον ἐπιπορεύσας.* Atque Alcidae comitem Philoctetam vocat Seneca Herc. Oetae. v. 1717., comitem Herculis Dictys Cret. I. et Servius ad Virg. Aen. III, 402. Quin inter eos, qui amicitia iunctissimi fuerunt, etiam Herculem et Philoctetam numerat Hyginus fab. CCLVII. — Adiectivum δμάθλιος, quod praetermittunt lexi-

cographi, eadem ratione e nomine ἄθλος derivatum est, qua e πατήρ ὁμοπάτριος, e βωμός ὁμοβώμιος, e δόρπον ὁμοδόρπιος et alia huiuscemodi quam plurima. — In hiatu Ἡρακλεῖ ὁμάθλιον post diphthongum tam plenam nulla est offensio. Cf. Oed. R. v. 1201. καλεῖ ἐμός. Oed. Col. v. 1453. ὄρῃ, ὄρῃ. Vid. Herm. Ell. doctr. metr. p. 49. Alioquin scribendum foret τὸν Ἡρακλεῖ γ' ὁμάθλιον. Ceterum admissa hac coniectura ex duobus versibus, ne male distrahatur ὁμάθλιος, unum faciendum esse apparet:

ἔχεις, τὸν Ἡρακλεῖ ὁμάθλιον ὥδέ σοι,

cui ut exaequetur antistrophicus v. 1154., ὅμιν in ὅμιν mutandum:

ἔτ' οὐ φοβητὸς ὅμιν, ἔρπετε, νῦν καλόν.

Philoct. v. 1136 — 1139.

Ὅρῶν μὲν αἰσχροῦς ἀπάτας
στυγνὴν τε φῶτ' ἐχθροδοπόν,
μυρί' ἀπ' αἰσχροῦν ἀνατέλλονθ', ὅσ' ἐφ' ἡ-
μῖν καὶ ἐμήσατ' Ὀδυσσεύς.

In extremo versu 1139. quum nomen Ὀδυσσεύς neque sententiae accommodatum sit neque numeris versus antistrophici conveniat, alia alii proposuerunt corruptelae remedia, quorum nihil est, quod aliquam habeat veri similitudinem. Mihi non dubium videtur, quin antiquitas scriptum fuerit aut οὐδεῖς aut οὗτις. Si illud, ex librarii lapsu vulgata originem traxit, si hoc, ex interpretamento ab insulso aliquo glossatore voci οὗτις, quam ridicule de Homericō illo Utide acciperet, adscripto. Hoc posterius quum absurdius sit, quam ut credi possit, illud prius a poeta profectum puto:

μυρί' ἀπ' αἰσχροῦν ἀνατέλλονθ', ὅσ' ἐφ' ἡ-
μῖν καὶ ἐμήσατ' οὐδεῖς,

id est: innumerabilia ex flagitiis progredientem mala, quot nemo unquam in me machinatus est. Non enim ad αἰσχροῦν referendum est relativum ὅσα, ut volunt plerique, sed ad μυρία. Αἰσχροῦ sunt malae fraudes, quibus usus Ulixes Philoctetam et exposuit ante, et nunc arcu privavit, unde innumerabilia ei, quot sunt in solitudine atque inopia, mala nascebantur. Compara simile Philoctetae dictum supra v. 408. seq. πανουργίας, ἀφ' ἧς μηδὲν δίκαιον ἐς τέλος μέλλει ποιεῖν. — Ad

pronomen οὐδεις subauditur ἄλλος, de quo loquendi genere cf. Aiac. v. 424. ἄνδρα οἶον οὕτινα Τρωάδα στρατοῦ δέρχθῃ χθονὸς μολόντ' ἀπὸ Ἑλλά-
νιδος, i. e. οὕτινα ἄλλον. Aesch. Eumen. v. 672. πόλεως σωτήριον ἔχει
ἄν, οἶον οὕτις ἀνθρώπων ἔχει, sc. ἄλλος. Nec multum differt Soph.
Electr. v. 689. οὐκ οἶδα τοιοῦδ' ἀνδρὸς ἔργα καὶ κράτη, i. e. οὐκ ἄλλον
πλὴν Ὀρέστου.

Philoct. v. 1140 — 1142.

Ἀνδρὸς τοι τὸ μὲν εὖ δίκαιον εἰπεῖν,
εἰπόντος δὲ μὴ φθονεράν
ἐξῶσαι γλώσσας ὀδύναν.

Si sana est librorum scriptura, vix aliter haec verba intelligi pos-
sunt, quam ita, ut Hermannus interpretatur: »viri est, quod utile est,
iustum dicere, in eum qui dicit autem non cum invidia et maledictis
promere dolorem suum.« Verum hoc ipsum magnopere mihi dubitandum
videtur, an non sana sit scriptura. De constructione verborum ut ta-
ceam, quamquam sane quam durissimum est ad aliam personam referre
nomen ἀνδρὸς, ad aliam participium εἰπόντος: in ipsa sententia me hae-
rere confiteor. Nam neque Philoctetes ideo Ulixi maledixerat, quod
utilia iusta dixisset, sed ideo quod fecisset iniuste, neque dixerat tale
quidquam Ulixes. Senserat id Hermannus, quum in adnotatione sua
verbum εἰπόντος hac periphrasi interpretabatur: »qui sic sentit, ut utilia
iusta putet.« At aliud est sentire, aliud dixisse. Quid porro chorum
spectasse putas, quare omnia ista Philoctetam doceret? utrum ut miti-
garet iracundiam hominis de fallacia Ulixis modo quam gravissime con-
questi, an ut irritaret? Irritasset sane, si ab eo postulavisset, ut falla-
ciam istam, quoniam utilis esset, iustam diceret. Nonne summa cum in-
dignatione Philoctetes tam impudentem postulationem tulisset? nonne
iratus idem choro, quod infra v. 1382. Neoptolemo, et maiore quidem
cum iure responsum dedisset: καὶ ταῦτα λέξας οὐ κατασχύνει θεός;
Adeone chorus oblitus erat illius prudentiae suae, qua statim ab initio
v. 135. seq. ex Neoptolemo quiesierat, quid occultare oporteret, quid
aperire homini suspicaci? Quid denique hoc vel tempore Neoptolemi
milites vel fabulae loco poetae chorum decere putabimus? Neoptolemus
quidem iam v. 902. seqq. poenitere ac, quod a paterna virtute ad malam

fraudem degenerasset, confessus erat. Tu milites eius, qui semper sibi curae esse, ut in omni re observarent nutum imperatoris, praedicaverant v. 150. seq., nunc laudaturos fuisse, quod ille respuisset, credibile putas? Poetam autem, qui quum in tota fabula nostra, tum praesertim in posteriore hac parte videatur operam dedisse, ut generosa Neoptolemi indoles prae Ulixia calliditate illustraretur, nunc credis per interpretem consiliorum auctorum chorum fraudem, quoniam utilis esset, iustam dicturum fuisse?

Quod choram hoc loco decebat, hoc erat, non ut iustam, sed ut excusandam diceret fraudem, quippe quae optimo consilio in communem et exercitus et ipsius Philoctetae salutem ab Ulixie esset commissa. Quamobrem Wundero adstipulor in ed. II. haec adnotanti: »Certissimum mihi videtur verba *εὐ δίκαιον* aliquid vitii contraxisse, quamvis, quid scripserit Sophocles, nondum mihi liqueat. Sed illud non dubito, quin istiusmodi quid positum fuerit, ut sensus hic esset: viri boni est libere dicere, quidquid iniustum putet esse, sed ubi dixerit, dictis acerbis invidiaeque plenis abstinere. Concedit chorus Philoctetae esse, quod de fraude sibi illata conqueratur, sed admonet simul, ne acerbis malignisque verbis in Ulixem invehatur, quippe qui, id quod sequentibus explicat, non malevolentia quadam ductus aut sui commodi causa, sed amicorum salutis ut prospiceret, id, quod molestam Philoctetae sit, suscipiendum faciendumque putarit.«

Atque istiusmodi sententiam habebis, si, leniter mutatis iisdem illis, quae Wundero suspecta sunt, verbis *εὐ δίκαιον*, sic scripseris:

ἀνδρός τοι τὰ μὲν ἐνδίκ' ἀλὲν εἰπεῖν etc.

id est: viri est vera quidem semper dicere, sed ubi dixerit, non acerbum effundere linguae virus. Cuius sententiae eadem fere est summa atque illius, quae Wundero placuit. Nam quum vera dicit homo iniuria affectus, id, quod iniustum putat esse, dicit. — De locutione *ἐνδίκ' εἰπεῖν* cf. Oed. R. v. 553. *ταῦτ' ἐνδίκ' εἰρήσθαι*. Ibid. v. 1158. *μὴ λέγων γε τοῦνδ' ἴκον*. Enrip. Troad. v. 970 *μὴ λέγονσαν ἐνδίκᾳ*. — Simili sententia chorus in simili rerum condicione moderationem dicendi suadet Aiac. v. 1118. seq. *οὐδ' αὖ τοιαύτην γλῶσσαν ἐν κακοῖς φιλῶ τὰ σκληρὰ γάρ τοι, καὶν ὑπέρδικ' ἤ, δάκνει*.

Numeri si cui minus suaves videantur ter deinceps in fine trochaeorum incisi *ἐνδίκ' | ἀλὲν | εἰπεῖν |*, is Sophocli certe non insuaves visos esse discet, si similes comparaverit versuum exitus hosce: Oed. R. v. 464. *Τίς ὄντιν' ἃ θεοπιέπεια Δελφὶς εἶπε πέτρα*. Ib. v. 189. *εὐὼπα πέμψον ἀλκίαν*. Electr. v. 1085. *αἰῶνα κοινὸν εἶλον*. Ib. v. 1408. *δύστανος, ὥστε φοβεῖται*. Trach. v. 642. *ἐπ' ἀνέμισιν, ἀλλὰ θεῖας*. Ib. v. 656. *ὄχημα ναὸς αὐτοῦ*. Ib. v. 970. *καθ' ὕπνον ὄντα χεῖναι*. Oed. Col. v. 1084. *ἐωρῆσασα τοῦμόν ὄμμα*. Ib. v. 1736. *αἰῶνα ἐλάμον' ἔχω*. Oed. R. v. 1108. *εὐρημα δεῖται ἐκ τοῦ*, quo quidem loco augmenti omisso de industria quaesitum esse hoc incisionum genus ostendit. Nimirum numerosissime cadit trochaicus versuum exitus, ubi gradatim quasi per singula vocabula descendit.

Philoct. v. 1163 — 1168.

Πρὸς θεῶν, εἴ τι σέβει ξένον, πέλασσον
 εὐνοίᾳ πάσα πελάταν.
 ἀλλὰ γνῶθ', εὐ γνῶθ', ὅτι σοὶ
 κῆρα τάνδ' ἀποφρεύγειν.
 οἰκτρὰ γὰρ βόσκειν, ἀδαῆς δ'
 ἔχειν μνηρίον ἄχθος, φ' ἔννοικεῖ.

Huic loco quae offusae sunt tenebrae, omnes omnino discussae videntur, si lenissima mutatione ΓΕΛΑΣΣΟΝ pro ΗΕΛΑΣΣΟΝ et ὁ τι pro ὅτι scripseris, verbis sic distinctis:

Πρὸς θεῶν, εἴ τι σέβει ξένον γ' ἔλασσον,
 εὐνοίᾳ πάσα πελάταν,
 ἀλλὰ γνῶθ', εὐ γνῶθ', ὁ τι σοὶ
 κῆρα τάνδ' ἀποφρεύγειν. etc.

id est: per deos, si forte minus revereris hospitem, quamquam omni cum benevolentia ad te accedentem, at intelligito, bene intelligito, tua quanti referat litem hanc effugere. — Opposita sunt ξένον et σοί. Summa enim sententiae haec est: si non hospitii gratia Troiam abire vis, at tua ipsius cansa abire debes. Unde patet, cur γὰρ particula vocabulo ξένον apposita sit. Quam particulam si quis in tali sententiarum compositione a protasi alienam putet, propterea quod propria eius sedes est in apodosi, eum haec comparare iubeo: Homer. Iliad. α, 81. εἴπερ γὰρ τε χόλον γε καὶ αὐτήμαρ καταπέψῃ, ἀλλὰ τε καὶ μετόπισθεν ἔχει κότον, ὄφρα τελέσῃ. θ, 153. εἴπερ γὰρ σ' ἔκτωρ γε κυκὼν καὶ ἀνάγκη φήσει, ἀλλ' οὐ πείσονται Τρῶες καὶ Δαρδανίῳνες. Herod. IV, 120. εἰ δὲ μὴ ἔκοντές γε ὑπέδυσαν τὸν πόλεμον τὸν πρὸς Πέρσας, ἀλλ' ἄκοντας ἐκπολεμῶσαι. Id. V, 39. εἴ τοι σύ γε σεωντοῦ μὴ προορᾷς, ἀλλ' ἡμῖν τοῦτό ἐστι οὐ περιοπτέον. — Pronomen τι non ad ἔλασσον referendum, sed ad contemnendi notionem, quae subiecta est verbis σέβει ἔλασσον. Ita enim non ordo solum verborum suadet, sed ipsa etiam postulat sententia. Aliud est enim εἰ ἔλασσον τι s. ἤτιόν τι σέβει, si aliqua ex parte minus revereris (cf. Xen. Anab. V, 8, 11. Conviv. 4, 21. Hellen. II, 3, 16. Cyrop. I, 6, 11. Thucyd. III, 75.), aliud εἴ τι σέβει ἔλασσον, si forte minus revereris. — Denique verba ὁ τι σοί idem valent indirecte interroganti, quod directe τί ἐμοί; quanti mea refert? de qua interrogandi formula vid. Lambert. Bos. de Ellipsis. p. 598. seq. Ceterum iam olim fuisse, qui γνῶθ' ὁ τι σοί legerent, ex scholiastae interpretatione τὰ ὄντα σοὶ μάνθανε apparere Dindorfius observavit.

Corrigendum.

Pag. 8. lin. 18. scribe ὑπὸ ζυγόν pro ὑπὸ λόγον.

Brandenburgi Novi typis exscripsit Carolus Hoefnauer.